

三師部遺 三少 少師 少傅 少保 檢校官

樞密院部遺 宰相兼樞密 知樞密院 全知樞密院

檢詳 編脩官 檢正

省官部遺 總學士 觀文殿大學士 資政殿大學士

資政殿學士 端明殿學士 總待制 章圖閣 天章閣 寶文閣

顯謨閣 徽猷閣 敷文閣 煥章閣 寶謨閣 華文閣 寶章閣

諸院部遺 侍讀 侍講 崇政殿說書

東宮官部遺 總東宮官 太子賓客 太子庶子 太子侍讀 侍講

太子春坊 資善堂

時文遺集



加
+66/60
250



160
50

8

新編古今事文類聚

新編古今事文類聚道集卷之一

建安 祝淵 宗禮 編

金陵 唐富春 子和 刊

三師部遺

三少

此下補新集三公之後

三代公室 曰孤 曰少 曰伯 曰子 曰男 曰采 曰衛 曰甸 曰男 曰采 曰衛 曰甸 曰男 曰采 曰衛 曰甸

三公 曰太師 曰太傅 曰太保 曰少師 曰少傅 曰少保

三少 曰大司馬 曰大司徒 曰大司空 曰少司馬 曰少司徒 曰少司空

今之六曹尚書是也 太尉奉官居主兵之任 亦非三公大臣

北京大學圖書館藏

利
268
50

新編古今事文類聚遺集卷之一

建安 祝淵 宗禮 編

金陵 唐富春 子和 刊

三師部遺

三少

此下補新集三公之後

歷代公華周曰三孤通典曰孤特也言卑於公尊於卿特置此

三人秦漢而下省後周置三孤以貳三公職源宋公唐制置

三師以太尉司徒司空為三公元豐肇新官制於三師三公

無所改政和二年詔司徒司空周六卿之官非三公之任及

今之六曹尚書是也太尉秦官居主兵之任亦非三公太尉

司徒司空並罷依周制立三孤之官乃次輔之任或稱三少為次相之任元廢 通典續會要

羣書要語

少師少傅少保曰三孤貳公弘化寅亮天地彌予一人

書周官

孤乘夏篆周禮以三少孤卿與九卿為九焉 通典三

公立三少為之副少師少傅少保是為孤卿前百官公卿表篆

車希冕視秩於貳公 歲表類

古今事實

輔一人治

副貳二人弘大道化敬信天地之教以輔我一人之治 周官注

聽獄棘下

成獄辭大司寇聽之於槐棘之下 注左九棘孤卿位焉 記王制

公孤四命

公之孤四命以皮常服小國之君 注九命上公得置孤一人 禮春官典命

孤卿特揖

司士正朝儀之位孤卿特揖 注特揖一揖之 禮夏官

孤東面

射人掌國之三公孤卿之位孤東面 夏官

東面北上

朝儀之位王南鄉三公北面東上孤東面北上 禮司士

張幕設案

孤卿有邦事則張幕設案 天官

孤乘夏篆

服車五乘。孤乘夏篆。卿乘夏纁。注謂夏篆五采畫。纁約也。春官

孤服希冕

孤之服自希冕而下。注雜記曰。大夫爵弁。自祭享於廟。惟孤爾。春官司服。

孤執皮帛

太宗伯以禽作木擘。以等諸臣。孤執皮帛。注皮帛者。束帛而表以皮為之。飾虎豹皮。帛如今碧色纁也。天子之孤飾擘以虎皮。公之孤擘以豹皮。春官。

三耦射一侯

孤卿以三耦射一侯。二獲一容。樂以采蘋五節。一正。禮射人。

通寒暑

晉職官志。九卿通寒暑。

位九棘

朝士掌建邦外朝之法。左九棘。孤卿位焉。羣士在其後。注植棘以為位者。取其赤心而外刺。禮秋官。

副公論道

孤主之孤三人。副二。公論道者。禮掌次注。

次輔之位

依周制立三孤之官。乃次輔之位。或稱三少為次相之位。通典。

少師

羣書要語微子若曰父師少師殷其弗或亂正四方書微子

貳命之位敘政和除童貫制俾陟亞師之列初寮楊戩制規秩

亞師藍從熙制入乘夏象視三公絕等之崇晟表類

古今事實

問於少師

問於大師少師注曰少師孤卿比干也史宋世家

少師之責

天子燕業反其學左右之習詭其師答諸侯遇大臣不知文雅之辭已語之道簡聞小誦不博習此少師之責也大戴禮

以節度除

紹興九年節度使韓世忠除少師十年少師節度使張俊除少

師二十八年少師節度使楊存中除少師孝宗即位九月少師

四川宣撫使吳玠除少師會要

罷僕射授

隆興二年除授特進尚書右僕射兼樞密使張浚可罷右僕射特進少師保信軍節度使判福州以浚自劾求去故也

古今文集

雜著

覃恩辭免轉少師表

周必大

臣某言近具奏辭免覃恩除臣少師恩命伏蒙聖慈特降詔書不允者作君師而相上帝幸際龍飛亮天地而彌一人敢叨鴻需曲煩温詔增震危衷臣某中謝臣聞氣回天而萬物生邦有

慶而兆民賴惠澤固周於溥率等差且別於重輕若輔佐居中
 捧東日於天衢之上或親賢在列拱北辰於霄極之間以此疇
 庸是云馭貴如臣者身藏歆畝景薄唵噬掛神武之冠方將有
 請揚王庭之號豈所當然夫何特揖之官亦在序陞之數懼貽
 清議祗控丹誠伏望皇帝陛下勉勵人材操持公器雖推恩不
 可以不廣而詔爵不可以不嚴已彰均一之仁益寢優隆之命
 大辭如慢非踰難進之風小智自私姑道貪夫之誚巨無任云云

少傅

羣書要語

少傅為孤卿

百官表

元袞赤烏進次傳之崇名

政和

除錢景臻制

越陞亞傳之班

初寮除余深制

古今事實

少傅之責

天子居處出入不以禮衣服冠帶不以制御聖列側不以度采
 服從好不以章忿悅不以義與奪不以節此少傅之責也

大戴禮

張良畫計

漢高祖欲易太子張良為太子畫計曰上所不能致者四人今
 誠能卑辭厚禮請以為客時從入朝亦一助也及黥布反良說
 正以太子監關中兵上謂子房雖疾彊起傳太子以良行少傅
 事及破布歸上愈欲易太子及宴置酒太子侍四人者從上怪
 問之四人各言姓名帝大驚曰煩公卒調護太子太子竟不易
 者皆良招四皓力也

本傳

自少保除

紹興六年。少保節度使張浚除少傅。七年。少保節度使楊存中除少傅。三十一年。少保四川宣撫使吳玠除少傅。

奏事特授

紹興三十二年。孝宗即位。張浚特授少傅。進封魏國公。浚以樞密使都督江淮軍馬。入朝奏事。繼有是命。

古今文集

雜著

謝復少傅表

周必大

閱呂刑之實。周典素輕。還疏傳之官。漢恩彌重。丹書洗滌。皓首兢榮。臣某中謝。伏念臣坎凜孤蹤。摧頽暮景。冒寵光而最久。積

罪戾以殊深。比致頌言。分其嚴譴。獨賴神聖之眷。許存孤保之官。僅閱再期。未經三省。駭新綸之驟下。恍舊秩之負來。茲蓋伏遇皇帝陛下。徧覆無殊。容光必照。刑非樂用。汝自速辜。恩弗遺遺。予無作好。誕布發生之德。俯知老退之臣。大誠薄懲。昔忝小人之福。初迷後順。今晞君子之行。惟誓糜捐。以圖報稱。臣無任

少保

羣書要語

少保為孤卿

百官表

峻陛亞保位

孤棘於外朝

初寮

除余深制

眷予孤保

除鄧昭武制

古今事實

少保之責

天子居處燕私安而易樂而耽飲食不時醉飽不節寢起早宴無常玩好器莫無制此少保之責也大戴禮

未嘗輕授

紹興元年少保左僕射呂頤浩罷少保除特進先是頤浩言少保之官自陛下臨御未嘗輕授望追寢成命除一階官故有是詔至七年三月自鎮南軍節度使開府儀同三司充浙西安撫制置大使兼知臨安府始除少保會要

求去特授

乾道八年九月左丞相華國公虞允文特授少保武安軍節度使充四川宣撫使進封雍國公以求去故也

左僕射授

隆興元年十二月左僕射授信國公陳康伯特授少保大觀文進封福國公判信州

節度使除

紹興五年武成威德軍節度使開府儀同三司充鎮江建康淮東宣撫使韓世忠除少保紹興六年兩鎮使相江東宣撫使張浚除少保紹興九年六月武勝定國軍節度使岳飛除少保紹興十一年保成軍節度使開府楊全忠除少保紹興二十九年奉國軍節度使判興州吳玠除少保同上

古今文集

雜著

辭免少保劄子

周必大

殊私曲被駭汗交流臣聞賞當其功謂之慶授非其人謂之僭
 邇者言皇聖帝親以大寶傳授聖明當行慶施惠之初夷夏傾
 耳以聽號令臣於斯時誤尸宰事所宜勸贊陛下愛惜名器脩
 明紀綱豈容身自僥踰或愆於義伏况孤保之任專待勲德前
 後輔臣得此者鮮而乃首揚大庭之號加臣非分之寵本欲行
 慶反近借賞其為初政之累也大矣臣今未敢奉行制命蓋將
 必冀寢免若謂溥博之恩徧及臣庶不使微臣獨未霑被則臣
 固嘗回奏乞許回授私心公論庶皆合宜伏望聖慈特賜矜允
 于犯天威臣無任兢惶懇切之至

再辭免少保劄子

周必大

臣猥以凡才久事陛下於東宮今值君臨萬邦又得備位宰輔

其為榮幸殆非象比覃沛所加臣何敢固辭惟是三孤重任與
 尋常遷轉不同非親非賢非有大功未始輕畀臣實何人乃敢
 當此若謂恩繇近始理難獨遺臣固已屢奏乞許回授儻蒙陛
 下曲從所請則是國之大慶非不霑被而况制命告廷人皆知
 陛下待臣禮意甚寵今者自緣揣分量才再三控避陛下不得
 已而聽之在臣居之則安於國又免借賞其為大賜奚啻一官
 而已臣已再上表陳免謹具劄子申敘懇款必冀天慈即賜俞
 允臣無任惶悚俟命之至

辭免少保表

周必大

該輔無功際九五御天之始疏榮有命居二三執政之先左備
 控於忱詞已隨頒於溫詔明知踰分敢避瀆尊臣某中謝臣竊

惟左棘之聯時乃面槐之貳周官立訓資兩儀寅亮之功漢志
番謨任萬乘燕私之責歷代久忘於古誼政和初定於宏規必
酬勲德之隆或待親賢之茂上匪虛授下難冒居如臣者豈資
迂愚遭世休顯太言則望大利每愧事君小材不離小官自其
累日詎期頽歲連陟崇階會逢離照之明更下異申之命式是
百辟久不稱於儀圖茲惟三孤顧豈容於官傳伏望皇帝陛下
道無私覆明以公生謹旌褒者當在政初抑僥倖者必繫貴始
特回誤寵姑許馳恩既免累于清朝亦獲安於素守臣無任

再辭免少保表

周必大

悃幅之言踵詔音而上瀆丁寧之訓勤敷使以來宣瀆危履之
未安控堅辭而弗已臣某中謝臣竊以龍飛之慶溥及華夷壽

動之微咸霑雨露幸叨居於輔佐例冒被於光榮儻大義之同
愆在小廉而可畧惟今卑保乃昔司空有德者不必真除况臣
無弼諧之德有勞者未嘗序進况臣無翊戴之勞直緣會遇於
一時遂假寵靈於二少自猶知其弗稱人豈謂之當然蓋取非
其分則災身而與過其宜則累國是敢懇懇前旒之側且將切
切累牘之中期道滿盈少逃譴負何上紆於宸眷復申戒於汝
諸施重丘山懼深淵谷伏望皇帝陛下持爵馭其臣之要稽實
延於世之文許以實名馳之賤息如是則恩從隗始已毋廢於
舊章民具尹瞻亦免干於新政臣之幸也天必從之臣無任

謝除少保表

周必大

天開禹績親承層數之傳德愧尹躬叨被保衡之拜控辭弗獲

祗受為慙臣某中謝臣惟祖宗之盛時多卿相之舊德勲業光
 于簡冊聲名重於朝廷正唯爵位之高允謂事功之稱如臣不
 肖敢企前修曾微一善之稱偶際三朝之盛麟臺憲府登家高
 廟之親除螭陛綸闈嘗侍壽皇之初政晚備中台之數再逢內
 禩之期首告大庭超加異渥念覃霑自近司而始稽舊章無回
 授之文跼蹐拜嘉怛怛就列茲蓋伏遇皇帝陛下乾飛有作離
 照無疆憐臣昔備官僚又承恩獎謂臣今居宰席密佐聖明特
 厚寵華式昭榮遇統百官而均四海已知任職之難曰三孤而
 弼一人當究多官之義未知報塞徒誓糜捐臣無任

檢校官

歷代沿革檢校本加官自唐以來有之凡內職崇班今修武郎

武臣副率以上初除及該恩皆帶若文臣則樞密宣徽節度
 使始帶焉自三公謂太尉司徒司空三師僕射尚書僕射尚

書常侍至賓客祭酒凡十餘等元豐官制武臣承宣使已下
 皆罷惟存檢校三公三師以待節度使之久次者政和後改
 三公為三少若武臣累加至檢校少師則拜太尉文臣累加
 至檢校少師則拜開府儀同三司安南國王初襲封加檢校
 太尉經恩加檢校太師諸蕃刺史州則檢校太子賓客此外
 皆不帶云朝野雜記

羣書要語仍益校職之美悉欽朝賞之華胡文恭除范全檢校
 制聯三階於宰路除留正檢校少保制

古今事實

元豐皆罷

唐有檢校官。國朝之制。檢校官一十九。三公三師六左僕射至水部郎共十三。元豐官制行。左僕射以下皆為職事官。故罷之。凡三師三公除授自司徒遷太保。太保遷太傅。太傅遷太尉。太尉遷太師。檢校官亦如之。續會要

政和後置

政和二年罷太尉司徒司空。以少師少傅少保為三少。後亦置檢校官。紹興七年。士裏檢校少師。錢忱檢校少保。同上

古今文集

雜著

論建節加檢校

朱元晦

三公三孤以師道輔佐天子。後世官職益紊。今遂以三公三孤之官如階官貼職之類。不復有師保之任。論道經邦之責。美質來猶是文臣之有勲德重望者。方得除此。以其有輔教天子之名故也。後世或以諸王子或以武臣為之。既是天子之子與武臣。豈可任師保之責。邪訛謬承襲不復釐正。祖宗之法。除三公三公者。必須建節加檢校。太子少保少師之類。然後除開府儀同三司。既除開府。然後除三孤三公。南渡以來。如張韓劉岳諸武臣猶是如此。外皆不帶。今則不然。既建節。便抹過檢校。徑除開府。至三孤三公矣。晦菴語錄

樞密院部遺

事類彙編

宰相兼樞使

此下補新集樞密院之後

古今事實

唐始帶印

樞密使帶相印為樞相自後唐始

國朝會要

國初始兼

國初魏仁浦以宰相兼樞密使後罷

會要

宰相兼判

慶曆二年一邊用兵富文忠公言邊事係國安危國初范質王溥以宰相兼參知樞密事今兵興宜令宰相兼領仁宗然之令中書同議樞密院事呂詩公時為首相以內降納上前曰恐樞

密院謂臣奪權時諫官亦論宰相宜知兵事遂降制以宰相兼樞密或曰一府體均判字太重於是復改為兼樞密使

揮塵錄

建炎復兼

建炎四年以宰相范宗尹兼知樞密院罷御營以其事歸樞密院機速房自慶曆後宰相不兼樞密者八十餘年其復兼自此始紹興七年令宰臣張浚兼樞密使趙鼎秦檜亦以左右僕射兼

中興會要

紹興中罷

紹興二十五年檜薨明年詔曰比緣軍興令宰臣兼樞密使與掌機務今邊事已定可依祖宗故事更不兼領二十六年五月罷兼樞密院

同上

史浩論兼

紹興二十二年孝宗即位參政史浩論樞密合使宰相兼使事因引富弼對仁宗故事上曰正合朕見詔宰臣依舊兼樞密使孝宗會要

議密院事

慶曆二年上曰樞密非古官未欲遽改止令中書同議密院事

數建利害

仁宗親政拜晏殊樞密使加同平章事身殊復召用而趙元昊反師出陝西天下弊於兵殊數建利害請罷監置魚以陣圖示諸將使得應敵為攻守及制財用為出入之要皆有法仁宗悉施行之晏殊傳

古今文集

雜著

乞參宰相兼樞密使劄子

周必大

臣伏見仁宗皇帝慶曆二年秋晏殊為樞密使王貽永劄之會西邊出師用諫官富弼之言詔宰相呂夷簡章得象並兼樞密使今北方情偽固測正陛下經武整軍之時比之西邊事體尤重兼中興以後自有近例欲望聖明稽參故實命王淮梁克家兼總樞務既合公論亦叶權宜臣累月來屢與施師點商量方敢奏稟如蒙允許自當悉心竭力叶贊萬一決不敢懷安避事仰冀任使取進止

古詩

慶曆聖德詩

石介

惟仲淹弼一夔一契天寶登乎予其敢忽曰衍汝來汝予黃髮
遂長樞府兵政無蹶予早識琦琦有奇骨可屬大事重厚如勃

知樞密院

歷代沿革晉天福初桑維翰以翰林學士尚書禮部侍郎知樞
密院事知院之名始此分紀宋初不置淳化二年樞使王
顯出鎮始以張遜知樞密院事續會要知樞密院同知院並
正一品知院掌佐天子執兵政而同知院為之副凡邊防軍
務常與三省分班稟奏事于體要則宰相執政官合奏神宗
正史職官志元豐官制行廢樞使政和末鄧辛公官至少保

猶止為知院焉初宰相兼樞密只兼知院

羣書要語樞使知院典機務掌兵政出納密命以佐邦治續會
要知院掌佐天子執兵政而同知為之貳同上宜總鴻樞溫公
集丹地廻翔便總萬機之仁歲表類

古今事實

專掌兵籍

李綱除知樞密院奏云祖宗之法樞密院事掌兵籍虎符三衙
管軍諸路帥臣主兵柄各有分守所以維持軍政萬世不易之
法也傳信錄

被命鴻樞

李綱以右丞相被命樞密奏云伏蒙聖恩除知樞密院事以被命

鴻樞專統兵機宜得魁奇英偉之人以居其任同上

周知世務

李諮字仲詢謚憲成爲知樞密院事諮性明達周知世務處劇若閒暇在樞府抑僥倖號爲稱職東都事畧

古今文集

雜著

辭免知樞密院事劄子

周必大

臣聞命震惶固知所措臣竊以西樞分職兵柄在焉本朝雖委用儒臣亦須有文武才略識籌戎事體且望實素爲中外所信服者然後舉而用之乃能仰副注倚俯協公儀如臣不肖論而性拙徒以章句之學又被簡知服在論思已爲忝冒驟蒙機

政彌愧超踰敢意謀恩進籌帷幄雖陛下聖謨獨運神武布昭執事之臣不過稟訓節於上行文書於下縱殫薄技難企清光然而官匪其人國家奚賴才不稱位有衆何觀祇竭忱誠仰祈鴻造冀回渙渥既授英才俾仍舊班免貽非據之誚其爲榮幸殆與進權均矣

辭免知樞密院事表

周必大

左轄瑯官宜首加於幽黜右樞分職敢遽冒於顯除雖尺一之頒理不可違然再三之瀆誠亦難已臣某中謝臣竊以本兵地要率屬選高觀累朝之求賢暨明主之觀後或取其父更帥閭遂畱任而勿疑或爲其嘗貳幾走越進遷而示寵故望以徊翔而如重智因練歷而愈明試可若斯貪諧必矣惟臣之艱無一

而宜所窺者率皆古昔之陳篇所供者不過薄書之常守心豈
識軍戎之要足未趨宥密之嚴方一柄之明分乃一朝而躡進
聖神在上若爲參前者之籌哲又滿朝徒使愧後新之積苟不
力祈於避免殆將立抵于謹呵伏望皇帝陛下以稽古之聰明
鑒用人之得失收還誤渥改授實能天祐高皇必有子房之決
勝人歸宜后寧無吉甫之憲邦罔俾愚臣或妨賢路

謝知樞密院事表

周必大

獨化陶鈞之上天啓聖謨折衝樽俎之間人需賢德孰云庸懦
堪此選除望離帷以彷徨拜絲綸而慄慄臣某中謝臣聞兵布
于外是爲爪牙權歸于中實寄心腹上下有相維之勢古今有
不易之規廟勝所關才難爲其如臣者駑駘劣窳培塿形卑初

非致遠之才敢起升高之念而遭逢華旦忝竊殊知三載神畿
徧歷清華之地十年禁彙遂參輔拂之聯戴恩奚啻於丘山論
報未施于滄海所期汰免何意褒遷越繇黃闥之嚴陞踐紫樞
之峻惟乃聖乃神之真主方高出於百主豈不文不武之具臣
可迭居於二府懇辭弗獲祇受爲慙茲蓋伏遇皇帝陛下政急
內脩策先自治宅中畫大旣隆道德之威詰禁制軍不廢甲兵
之問姑緣人乏猥用臣愚臣敢不激勵壯心贊襄先務外棲夷
狄願觀復古之勳載戢干戈尚觀垂衣之化

同知樞密院

歷代沿革

五代

有參知樞密院事

詳見樞密院

宋

初開淳化二

年王顯出鎮張遼知樞密院事始以温仲舒寇準同知院同知之名自此始也會要元豐官制行廢使副存同知職源結與中高宗以本兵之地事權宜重依祖宗故事置樞密使而知院同知院亦仍舊由是並除

羣書要語任峻樞密楊文公集參司樞務同上協宣機政六一

預議樞密蘇魏公集自聯基宥屢告謀猷同上參亮樞密曲

阜集丹地鴻樞亦預聞於政事歲表類贊一人之休必資耆德

握萬兵之本爰賴舊臣蓋知其務者可以應務而不窮於事者可以臨機而無惑宜煩故老就翊洪樞元祐中趙瞻拜同知

古人事實

王范參知

周顯德六年命司徒平章范質礼部尚書王溥並參知樞密院五代史

專主謀議

向文簡公敏中同知樞密院明辨有才略處事敏速樞機之任專主謀議時西北用兵至於二邊道路斥候走集之所莫不周知事畧

托腹心寄

吕公著復同知樞密院事神宗手詔曰顧在廷之人有可以托中外腹心之寄均皇家休戚之重無逾卿者可亟起視事收之桑榆

吕公著拜同知樞密院事公著謝因奏曰臣老於闕外蒙陛下

收之桑榆唯知拳拳納忠以報恩遇並同上

起自負外

向敏中自負外郎為諫議知樞密院止百餘日歸田錄

權衡人才

命端明殿學士呂公著好士出於天性士大夫有以人物為意者必問其所知所聞參覈以待上求上嘗謂輔臣曰公著之於人材其言不欺如權衡之於稱物焉通畧

筆識諸將

劉忠肅公珙字共父乾道三年擢同知樞密院公以本兵柄於諸將之能否不可以不周知乃自諸管軍統領官下至裨將佐日召三四人與語得其材用所宜輒筆識之以待選用晦庵文集

諭用宗室

趙丞相汝愚始除同知院力辭引高宗聖訓宗室用至待從即止之語壽皇召學士各詔諭以紹興聖訓用折秦檜陰謀蓋有為而言也實錄

問為治要

張忠定公壽字子公孝宗受禪召除同知樞密院事問為治之要公言內治乃可以外攘願詔百執事赴都省給札條具上大喜於是士夫欲言不能自達者織悉聞矣言行錄

修時政記

樞密院時政記編脩官刪潤同知院事脩孝宗會要

古今文集

雜著

辭免同知樞密院劄子

樓鑰

誤恩狎至小已增慙伏念臣頃備論患久投閑散荷皇明之收
 召加寵渥以便養俾參樞筦之班仍預儲局之客已為過幸每
 懼弗堪曾暖席之未遑俄歷階而使進本兵至重寧容濫吹之
 人偃伯云初茲豈養痾之地尚蔑一毫之效遂叨二府之真念
 朝行之髦士甚多况天下之逸民未舉不應邈列乃以序遷欲
 望皇帝陛下俯鑒由衷毋憐反汗遴選英才而圖任姑令舊者
 之少安亟賜俞音免貽羣議

辭免同知樞密院事表

樓鑰

宥府選察忽叨再命需章避寵尚閱一俞爰存瀆於宸聰冀終

回於渙渥臣某中謝伏念臣引經納祿奉詔還朝始膺典選之
 除適與和戎之議既不能出奇策以強國勢又不能抗高論以
 竊時名深惟世務之宜遂定從官之論鄰盟既講邊備粗寬魏
 降何功始欲就威懷之得利張昭雖老當使知將相之有人賴
 聖慈俯徇於和親在臣下益為之引咎自愧寡謀之甚難陪基
 命之司殆無地以寄顏惟竭誠而報主日圖內治之要未知所
 先靡厭眾言之求尚不暇給有何勞効遽被推遷不勝據蒞之
 憂徒謹循墻之走伏望皇帝陛下俯垂淵鑒洞察愚忠豈惟微
 臣懷以榮為懼之恐仰祈睿美篤居安慮危之心精求文武之
 才用積樞機之任

謝同知樞密院事表

樓鑰

造宥密之班未知圖報拜便番之渥弗許終辭自揆僥逾實深
 感惕臣某中謝竊以皇家嚴二府之建任固匪輕機庭分四等
 之差官毋求備賢相並兼於使領副樞實贊於事幾既曰才難
 豈容序進伏念臣少無可用老尚何堪扶病以對便朝幸不違
 於咫尺疆顏而居舊署顧奚補於毫分假寵以多巧閑未得敢
 謂七旬之後員參兩地之榮昇與國熙載之官已為過分加淳
 化寇準之職尤愧無名偶緣廷告之同時因與政途而接踵在
 法當從既超筆橐之聯計日而言僅周天地之數併增采食游
 被匪頒茲蓋伏遇皇帝陛下茂建大中不乘輿運謂股肱所寄
 方彙進於時髦雖筋力既衰亦使陪于末議未遑席暖復俾階
 升臣敢不仰戴隆私益堅素守邊陲甫定願禪內治之謀里社

相望期遂歸休之請

檢詳

歷代沿革檢詳之職古無之宋熙寧四年詔以編脩經武要略
 官四人王存陳侗陳奉世蘇液檢詳樞密院諸房文字禮遇
 視中書檢正官元豐三年詔定置二員及改官制檢詳官尋
 罷續會要建炎三年樞密院請依祖宗朝置檢詳諸房文字
 兩員敘位在左右司之下紹興二年詔樞密院已置都承旨
 一員減檢詳一員樞密請置二員從之中興會要三十二年
 詔樞密院諸房令檢詳書擬從左右司請也乾道二年詔樞
 密院檢詳係掌朝廷機要文字不許出謁及接見賓客亦令

事類彙編 卷之一
導兩省官施行

古今事實

擢置樞掾

熙寧五年詔檢詳文字劉安世自擢置樞掾奉職不苟可除集賢校理實錄

右府設屬

神宗朝除范育檢詳文字制曰右府典領樞機而設屬于下以覈其事李清臣行狀

言養兵法

呂大忠檢詳樞密院吏兵房文字令條義勇利害大忠言養兵
猥衆國用日屈漢之屯田唐之府兵善法也弓箭手近於屯田

義勇近於府兵擇用一焉兵屯可省矣東都事畧

右選歸心

陳居仁字安行樞屬闕員方以著廷名進擬上曰陳居仁今爲
何官對曰爲郎上曰豈有人材如居仁而可久爲郎者乎即除
樞密院檢詳文字二府不受私謂差遣恩例悉令投牒送檢詳
所公爲之考令申酌故實可否正決右選翕然歸心樓攻魏集

密謀誅叛

劉子羽樞密院檢詳文字張魏公同知樞密范瓊來赴行在張
奏瓊大逆不道獨與子羽密謀夜召子羽及選密院謹飭吏數
人謀作文劄榜皆備鎖吏于府中翼早公赴都堂召瓊議事瓊
從兵監塗巷意象自若坐定子羽亟取寫勅黃紙詣前揖瓊下

日有敕將軍宜下大理置對命縛瓊送大理寺子羽已張榜于
省門親以旨勞瓊眾頓刃應諾瓊論歿兵分隸神武軍瓊庵文集
令撰詔檄
紹興二十一年元顏亮叛盟時洪文敏公適任樞密院檢詳宰相傳旨令撰書詔榜檄家傳

編脩官

歷代公董編脩官之職古無之宋慶曆四年史館王洙承旨與
士寧編脩例冊編脩之名自此始分紀熙寧三年以館職王
存顧臨等同編經武要略兼刪定諸房例冊元祐四年詔密
院條例久未編脩又自官制後舊事隸他司所存者亦未刪

正承旨司取索編脩以奉議郎蔡駟宣德郎衛規充編脩
官續會要舊以四員為額紹興兵興裁省其半三年樞密請
置檢詳一員編脩止存一員後復中興會要編脩官隨事置
無定員以本院官兼者不入銜

羣書要語爾以編削之才遊樞機之府龍溪除張顯制

古今事實

經武要略

熙寧二年樞密院乞將祖宗以來法制所宜施行於久遠者並
與刪取太旨著為畫一及聖政釐革條章檢尋本院文書以次
紀錄其事目曰兵制凡招揀屯戍訓練之類皆附焉曰馬政曰
邊防曰夷狄曰屬國曰守城曰器械曰捕盜曰選材曰責效各

以其事類相從一如兵制候編成策仍於逐門各置空紙以備書載將來處置事件從之詔以經武要略為名會要

編錄條例

熙寧九年宣徽北院使王拱辰言本院前後降宣勅條例文字及逐旋聖旨指揮不可遺墜乞行編錄所貴朝廷故事永久可備檢用從之六月拱辰辟著作郎何詢直充編脩官就本院置局十年八月編成條例并目二十五策上之十一月罷局詢直減二年磨勘

刪潤條法

紹興三年樞密院言本院雖有編脩官四員止是刪潤條法又裁省其半中興會要

刪定時政

孝宗朝編脩官張淵言樞密院時政記本本院諸房應降聖旨按月作時政記編脩官刪定近蒙朝廷止作錄送付下乞今後刪定記止據憑錄送到文字依舊按月修進從之孝宗會要

刪定例冊

熙寧二年命著作佐郎館閣校勘王存陳侗大理寺丞館閣校勘顧臨並差編脩樞密院經武要略刪定諸房例冊以樞密院副承旨李紱管公至九年秋畢上之會要

次第文書

神宗朝除周華樞密院編脩官制曰樞密之府自祖宗以來釋惠持危應變之大計與夫將相議論之臣密謀要策皆具在此

而文書質亂者雜而無紀綱故擇能臣使次第之荆公文集

樞庭備檢

王銓樞密院編脩纂集祖宗兵制書成上覽之稱善命改京官賜名樞庭備檢中興係年錄

召問兵學

顧臨編脩樞密院經武要略神宗召問以兵學臨對兵以仁義為本仁者愛入義者循理動靜之機安危所繫也國史

名震天下

胡忠簡公銓紹興兩宮未歸母后春秋已高故與大臣決策從雅獨樞密院編脩官胡公銓上書數百言王倫秦檜孫近願等三人頭羈留虜使與問罪之師當是時一胡編脩名震天下勇

者服怯者奮下至武夫悍卒遐方裔土莫不傳誦其書樂道其姓字爭願識面雖北虜亦因是知中國之不可輕侮立世教非聖世之伯夷耶周平園集

與聞國論

隆興間臺諫言黃文昌疏云編脩官雖專以編錄本院時政記為職然既係樞密官屬亦得與都承檢詳到宰執閣與聞國論孝宗實錄

檢正

補新集省屬之後

歷代公董檢正之職古無之宋熙寧二年詔中書五房各置檢正二員在堂後官之上都檢正一員在五房提點之上皆以

士人為之石林燕語元豐五年官制行罷檢正職務分歸中

書舍人給事中左右司郎官續會要建炎三年都省言軍興

以來天下多事欲差官二員充中書門下省檢正諸房公事

一員檢正吏禮兵房一員檢正戶刑位序在左右司上於都

堂置直舍從之四年罷紹興二年詔復置一員紹興三年

宗已即位未改元詔尚書省吏房兵房三省樞密院機速房

尚書省刑房戶房工房三省樞密院看詳賞功房尚書省禮

房今左右司分房書擬其中書門下諸房令檢正書擬中興

會要乾道八年詔都承檢正左右檢詳編脩每日通輪宿直

續會要

群書要語國家即位以來百司紀綱日失其序詔令稽壅吏媮

不復思得時髦之英任吾宰屬之職淳熙制爾為宰士考校詳

當所補滋多范鏗除都檢正制

宰旅 宰椽 並職略

古今事實

宜選士人

熙寧二年中書門下言奉旨議中書創置士人為屬官伏以中

書統治百官以佐天子政事而所置吏屬尚仍舊制宜高選士

人稍依先王設教置輔之意今欲置檢正五房公事一人逐房

各置檢正公事二人並以朝官充或用京官若選人即為習學

公事見宰相參政如常朝官之禮會要

書功過簿

孝宗朝臣寮言熙寧中創置檢正五房公事官一員每房各置

檢正二員書功過簿以核羣吏之失其程督之嚴如此會要

執筆入記

神宗開天章閣對輔臣呈官制除員詔中書檢正官聞王震江陵吳雍執筆入記聖語面授震左司員外郎使自書時論榮之九朝通略

進文嘉覽

鄧潤甫字溫伯為檢正中書戶房公事詔取所進文上嘉而覽之遷集賢校理直舍人院國史

博覽古今

沈括字存中博覽古今於書無所不通熙寧間除太子中允為檢正中書刑房公事東都事畧

非所好官

劉忠肅公摯字莘老王荆公初秉政搜擇人才任以不次元公絳數以公為言荆公一見遂置重焉權為中書檢正居月餘默然非所好會除御史欣然就職言行錄

以備侍從

初議中書置屬神宗以為必不能得第一等人才王安石曰中書屬官須精釋可以備臺諫侍從者實錄

中書備對

大觀中李夔奏元豐間神宗命檢正官畢仲衍纂集內外事物綱目為中書備對以其官吏流品戶口錢穀之數以知禮法文物軍兵名額之數以知刑罰赦宥之事夫役之數小大精粗無

乎不備續會要

彌綸省闈

奚陟歷右司郎中彌綸省闈並唐本傳

轄諸司事

尚書省左右司郎中各一人左司郎中副左丞所轄諸司事署錄自勛稽失知省內宿直之事若右司郎中闕則併行之左右司員外郎各一人掌付十有二司之事以舉正稽違省署符目都事監而受焉凡都省掌六司之綱紀與百僚之程式以正邦理以宣邦教唐職官志

精簡得人

太宗朝劉洎言曰尚書萬機乃為政本比者綱維不舉並為勳

親在位品非其任功勢相傾將救茲弊且宜精簡四員左右永左右司郎中如竝得人自然綱維一舉亦當矯正趨競豈惟息其稽滯哉唐書

掄選有序

吳王潛為左司郎中典選事時喪亂之後官失其守甲簿湮沒潛雍容款接坐客常滿隨才而接人人自以為得徐知誥相吳掄選有序潛之力也九國志

分治省事

左司郎中右司郎中各一人正六品左司員外郎右司員外郎從六品掌受符六曹諸司出納之事而舉正其稽失分治省事左司治吏戶禮奏鈔班簿房右司治兵刑工案鈔房而開折制

置御史催驅封椿知雜印房則通治之

會要

詔替省務

宣和六年左司王藩奏都司以彌綸省司為職事無不預今宰相入省諸房文字填委次第具呈自朝至于日中或昏暮僅絕其勢不暇一一檢閱細故而省吏徑稟宰丞請筆以草檢令承

通知省政

中興初除傅崧為檢正制曰宰士止於中臺之屬不與聞命令之原故又置檢正以通知三省之政汝其撻過差以裨國論程期會以檢吏奸汪藻行狀

政事所出

紹興除陳夔檢正制曰檢正之制自我神祖二省政事所出

新編古今事文類聚遺集卷之二

建安 祝淵 宗禮 編

金陵 唐富春 子和 刊

省官部遺

總學士

此下補新集平章之後

歷代沿革 宋朝殿學士有觀文殿大學士學士資政殿大學士學士端明殿學士殿學士資望極峻無吏守無典掌出入侍從備顧問而已觀文殿大學士非曾為宰相不除觀文殿學士資政殿大學士及學士並以寵輔臣之去位者端明殿學士惟學士久次者始除兩朝國史志近歲以待簽樞云取累士字

觀文殿大學士

歷代沿革 **宋** 朝觀文殿即舊日延恩殿也慶曆七年以文明殿學士稱呼同真宗謚號乃改名紫宸殿後又以紫宸殿非人臣所可稱呼乃以延恩殿更名觀文殿 會要 皇祐元年詔置觀文殿大學士寵待舊相今後須曾任宰相乃得除授時賈昌朝由使相右僕射觀文殿大學士判尚書都省觀文殿置大學士自昌朝始 詔畧見事實注 二年詔班在觀文殿學士之前六尚書之上 會要 自是曾任宰相者出必為大學士熙寧中韓絳宣撫陝西河東得罪罷守本官四年用明堂赦授觀文殿學士宰相不為大學士自絳始 續會要

圖書要語 惟茲祕殿之嚴 歐陽修除劉沆制 書殿之職號為清

優 賜麗籍詔 取清書殿 同上謝表

古今事實

寵待舊相 事見前官制

榜以嘉名

皇祐間詔置觀文殿大學士略曰因延恩之別殿觀前代之祕文栴以嘉名置諸禁取且為訪道之所以延稽古之臣循慮措艾之姿嘗居臺宰之任或因均逸姑務親仁備經術之咨詢廣政稅之延訪

觀文殿學士

歷代公華 觀文殿乃隋煬帝殿名 **宋朝** 觀文殿即舊延恩殿初

為文明殿學士 四朝國史 慶曆七年宋庠言文明殿學士稱

呼正同真宗謚號兼禁中無此殿額其學士理自當罷乞擇

見今正朝或祕殿以名學士易之乃詔改為紫宸殿學士以

參知政事丁度為之 會要 時學士多以殿名為官稱丁遂稱

曰丁紫宸 歸田錄 八年御史何郊以為紫宸不可為官稱於

是改延恩殿為觀文殿 歐陽公云 觀文乃隋煬帝殿名理宜

變之蓋當時不知然則朝廷之上果不可以無學也 即殿名

置學士 會要又曰 呂氏家塾廣記云觀文殿學士位資政殿學

士上蓋初置觀文殿學士或時已有為大資政者故於上加

此美哉朝廷亦知不當以學士壓大宰士但常有以充此二

者故久而不能革正可因無人為此二或時正之也以下

度為之 東齋記事 自後非曾任執政者弗除 續會要 熙寧中

王韶以熙河功元豐中王陶以宮僚雖未歷二府亦除是取

蓋異恩也然韶猶兼端明殿龍圖學士云 續會要 官制舊典

羣書要語 升觀殿之華資 宗澤贈 觀文殿學士 帶詞 且升殿幄

之嚴 元祐除 蔡確制

古今事實

集瑞祕庭

慶曆八年詔略曰惟延恩之寶殿乃集瑞之祕庭福况所開深

嚴莫一矧先正齊心之地資冲人覽古之懷仍建崇儒之秩且

為備問之榮宜以舊延恩殿為觀文兼改紫宸殿學士為觀文

學士

資政殿大學士

歷代沿革 宋朝資政殿在龍圖閣之東序景德二年王欽若罷參政真宗特置資政殿學士以寵之在翰林學士下欽若不悅訴於上曰臣向自翰林學士拜參知政事今無罪而罷班及在下是貶也真宗特為置大學士以處之十二月復以欽若為資政殿大學士班在文明殿學士之下翰林學士承旨之上資政殿置大學士皆自欽若始自真公班翰林承旨上丁時以為殊寵祥符初向文簡公以前宰相再入為東宮留守復加此職自是訖天寶末二十餘年不以除人明道元年

李文定公知河陽召還始再命之景祐四年王沂公罷相復除二十年間除二人而皆前宰相也宋宣獻公罷參知政事仁宗眷之厚因加此職自真公後非宰相而除者惟宣獻一人而已康定二年右正言梁適請遵先朝故事定以負數於是詔大學士置一員學士三員

並會要

古今事實

持授舊臣

舊制資政殿學士並以寵輔臣之去位者元豐中韓維陳薦皆以東宮舊臣故特授焉

續會要

贈會祕閣

何敏中為資政殿大學士敏中赴上賜會于祕閣兩制與焉

資政殿學士

歷代沿革 **宋朝** 康定二年詔學士置三員 會要餘見前大資類

也

羣書要語 增秩秋曹兼榮月殿 楊億代表 進書殿之寵名 頌真

宮之優秩 曲阜除孫永制 祕殿宏開皇墳允集又曰著作禁林

特異深嚴之選 楊億代表 祕殿隆名 來城除李易制 兼華祕殿

呂正獻謝表 書殿崇儒之班 曲阜行蔡下制 設別殿之職 寵名

儒之賢 胡文恭行富弼制

端明殿學士

歷代沿革 端明殿即西京正衙殿也 退朝錄 **後唐** 天成元年明

宗即位之初四方書奏命樞密使安重誨進讀禮於文義孔

循獻議始置端明殿學士命馮道趙鳳俱以翰林學士充班

在翰林學士上後有轉改止於翰林學士內選任初如三館

例職在官下趙鳳轉侍郎諷任園特移職在官上後遂為故

事 **宋** 天福五年廢開運元年復 五代史 **宋** 朝 太宗時程侍郎

羽為之後隨殿名改為文明殿學士慶曆中改文明為紫宸

後改紫宸為觀文 其改置本未見觀文殿學士門 明道二年

改承明殿為端明殿復置端明殿學士以翰林侍讀學士宋

綬為之在翰林學士之下自明道訖元豐無前執政為之者

近來以待學士之久次者元豐中以前執政為之自曾孝寬

始考竟前為發書樞密院以見任執政為之自王安禮始安

禮自尚書左丞為之知江寧並見續會要政和中嘗改為延

康殿取略建炎二年都省言延寧殿學士舊係端明殿學士

詔依舊中與會要近拜簽樞者多領焉

羣書要語權自玉堂升於紫殿常親顧問每預論思位既益於

深嚴禮合加於優異馮道起鳳制方獎拔於名儒特增新於近

我俾參顧問益廣謀猷明道詔以殿名命官本緣麟趾之舊東

坡謝表端明之取蓋自五代時通班右府侍立殿中專以備顧

問寵儒臣者也汪應辰制

古今事實

拜相復讞

後唐長興四年劉昫新入相中謝是日太祠明宗不御中興殿而坐於端明殿昫至中興殿門閉昫使曰舊禮宰相謝恩須於正殿通喚請俟來日趙延壽曰命相之制下已三日中謝豈宜後時即奏聞昫遂中謝於端明殿昫自端明殿學士拜相復謝於本殿人士榮之續會要

學士兩人

天下儒生僅餘萬數殿前學士只有兩人馮道勿記

特拜程王

端明殿學士國朝尤多以翰林學士兼之其不以翰林兼取及換取者百年間特拜纔兩人程戡王素是也歸田錄

首建儲議

范蜀公鎮韓維上言公在仁宗朝首開建儲之議其後大臣繼有論奏追錄其言存沒皆推恩而鎮未嘗以語人悉以公十九疏上之拜端明殿學士言行錄

祕殿之職

英宗四年忽召王珪至葉珠殿專詔令兼端明殿學士錫之盤龍金盃諭之曰祕殿之職非直器卿于翰墨間二府缺員即出命矣四朝史

西班牙學士

宣和三年詔西班牙學士待制員多令中書省具名取旨以班圖觀之學士待制班在西班牙故曰西班牙

極天下選

劉忠肅公摯上言曰待制學士以待從顧問為職自祖宗以來極天下之選不為定員今不考治行不察流品幸而給諫以上則計日而得之乞依元豐官制施行王岩叟亦進十不可之說朝廷不以為然

總待制

歷代沿革唐永徽中命弘文館學士二人曰待制于武德殿西門文明元年詔京官五品以上清官曰一人待制于章善明福門先天末又命朝集使六品以上二人隨仗待制永泰時勳臣罷節制無戰事皆待制于集賢門凡十三人崔祐甫為相建議又官一品以上更直待制其後著令正待制官曰二人

人唐武林 永泰元年敕裴冕等並集賢待制此始有待制之
 所然則蓋唐設官也宋朝景德元年置龍圖閣待制以杜鎬
 戚綸充並依舊充我祥符二年詔班視知制誥別其下元祐
 令從四品掌侍從備顧問有所獻納則請到或奏封續會要
 羣書要語延英待制創自先天晏類要朕選通經術有行義之
 士也訪對制閣參掌祕圖置在內朝之職本惟儒者之職胡文
 恭行張昇充天章閣待制

古今事實

以寵勳臣

唐代宗永泰中勳臣罷節制無戰事乃令待制於禁門書院間
 以文儒公卿寵之唐書

以備顧問

德宗建中初自文官六品以上清望官每日二人更置待制以
 備顧問仍以延英南藥院故地為解

古今文集

雜著

謝除待制侍講修撰實錄表

朱元晦

臣熹言伏奉詔命授臣煥章閣待制侍講又準差兼實錄院同
 修撰者分闕南州愧篋一毫之補論經內閣恍驚命之頒昇
 史職以仍兼戴上恩而愈重藏逃莫避踟躕靡容中謝竊以王
 求多聞是惟建事帝入西學于以上賢當始初清明之朝資朝
 夕論思之助作於心而闕政事必救其原脩其身以及國家興

知所本非精誠之有格何論說之足云視孟軻之敬王始不負
 聖人之學為張禹之持祿殆將貽天下之憂况薦紳之所難又
 載筆之為重顧頭白汗青之可誦豈槁項黃馘之能為念昔先
 臣嘗掌茲事正熙寧元豐之殺并嚴於朱墨之分辨元祐紹聖
 之譏誣炳若丹青之著苟無家業曷踐世官情而居之乎亦危
 矣伏念臣見聞本狹才識非長開七袞之殘年荷二朝之累眷
 頃叨崇政之選嘗獲遂於終辭茲玷適英之聯覲莫從於素守
 此蓋伏遇皇帝陛下言稽往訓動法成謨以緝熙光明之美而
 佛時仔肩以剛健篤實之資而日新其德念遺天投艱之託推
 好善忘勢之勤借是孤蹤聿來多士講曾論一筆之義敢竊企
 於師傳誦楚史八索之文庶無忘於規益

龍圖閣

學士 直學士 待制

歷代沿革 龍圖閣宋朝大中祥符中建龍圖閣在會慶殿西偏
 北連禁中閣東曰資政殿西曰述古殿閣上以奉太宗御書
 御製文集及典籍圖書寶瑞之物會要及宗正寺所進屬籍
 世譜四朝志有學士直學士待制直閣學士大中祥符三年
 置以杜鎬為之班在樞密直學士之上六年詔結銜在本官
 之上會要景德四年置以杜鎬為之班在樞密直學
 士之下祥符六年詔結銜在本官之上會要待制景德元年
 置以杜鎬威綸為之並依舊充職四年詔班在知制誥之下
 並赴內殿起居會要自改官制為學士初復之或知制誥

平出除之官制舊典

羣書要語用進祕圖之拜胡文恭行歐陽修制

奎壁之象先朝謨訓遠同河洛之符東坡謝表

淵圖祕職蔡襄行歐陽公制仍進義圖之序賜鄭溫伯評能圖

學士詔河圖遂在西清朝位冠於五閣初寮除龐寅助制延閣

祕藏學士貴班淇水除李承之制河圖寵名增峻班列曲阜行

李南仲詔河圖美職曲阜龍圖待制徐鐸制改河圖之近綴同

上除錢待制河圖廣內之職曲阜除傅堯俞制延閣侍從之職

行張商英制內閣應對之職行王觀制

詩句羣主天中開策府神龜溫洛薦圖書楊億龍圖閣觀御書

冊府藏書在紫微退朝稽古助論思楊億龍閣便為黃閣老周

益父賀胡邦衡除龍圖學士

古今事實

龍閣三點

蔣樞密之奇為淮漕求字於徐守信徐書龍字而闕二點蔣曰

何書之不全也曰他日當為足此是歲奏對稱旨除龍圖閣直

學士及回持前字見徐徐索筆為作三龍味幾遂進老龍

一言而拜

孔道輔論廢后事天下聳聞其風采近臣獻詩十首執政請以

為龍圖學士上曰十首詩豈如孔道輔一言拜龍圖閣

龍圖老子

范文正公仲淹以龍圖直學士帥邠延涇慶四路威德著聞東

夏竦服熟戶蕃部率稱曰龍圖老子至於元昊亦以此呼之

學士奉祠

淳熙中林安宅以學士奉祠

古今文集

雜著

謝龍圖閣學士表

蘇子瞻

中禁寶儲上應奎壁之象先朝謨訓遠同河洛之符諫職其間
省躬非據中謝伏念臣學非有得愚至不移雖切過實之名卒
無適用之器少時妄意蓋嘗有志於事功晚歲積憂但欲歸安
於田畝屬聖神之履運荷載拔之非常猶冀桑榆之收遽迫犬
馬之疾力求閑散庶免顛躓豈謂皇帝陛下聖度包荒天慈委

照察其才有所短不欲強置之禁嚴知其進不由人故特保全
其終始遂加此取以責其行臣敢不仰緣末光益勵素守徃何
之而不可中無愧之為安但未死正必期報塞

代陸侍郎謝龍圖閣直學士表

汪藻

鋒車趣召記甘泉法從之餘芝檢疏榮陞延閣清班之首恩光
曲被感涕交流中謝伏念臣頃以疾辭安於外補劄符方直兩
膺南國之除持橐禁嚴四玷西清之選自守松楸之壤屢驚蒲
柳之秋身留閩徼之山川夢寄長安之鐘鼓所憂餘日莫陪鳴
玉之班何意中天忽降賜環之命奔馳上道展轉逾時曾未對
於清閑已亟蒙於褒馭錫之華秩寵以神毫豈伊蹉跎之微蹤
堪此便蕃之異數茲蓋伏遇皇帝陛下天臨萬物子視羣臣憐

孤生去國之七年。抱衰疾守藩於萬里。靡因人譽。召季布於江東。因受帝養。見賈生於宣室。特假河圖之峻。用為州統之榮。豈惟示眷於始終。蓋欲均勞於中外。臣敢不益堅晚節。無愧初心。雖宿疾未除。難以筋骸之勉強。然大恩必報。誓於肝膽之糜捐也。

律詩

觀文忠公六一圖書

陳后山

先朝羣玉殿。冠佩環羣公。神文煥王度。喜色見天容。御榻誰復登。帝書元自公。緬懷弁服士。酬獻鳴琤琮。

天章閣

學士 直學士 待制

歷代公董 宋朝 天禧四年初建。天章閣在會慶殿之西。龍圖閣

之北。明年仁宗即位。修天章閣。工畢。奏真宗御製安於天章閣。東曰羣玉殿。西曰葉珠殿。北曰壽昌殿。南曰延康殿。內以桃花文石為流杯之所。以在位受天書。祥符改曰天章。取為章于天之義。天聖八年置待制。慶曆七年又置學士直學士。會要周益公宏詞編題。又有侍講學士。慶曆七年初置。在龍

圖閣學士之下。學士罕以命人。迄仁宗世。纔王摯一人。官制舊典云。天章閣只除待制。不除學士。難稱呼也。直學士 慶曆

七年初置。天章閣直學士在龍圖閣直學士之下。會要 待制 天聖八年初置。寓直於秘閣。與龍圖直宿。尋命范諷。鞠詠充職。職官分紀

看書要語進取西序

曲阜行黃履天章閣待制進聯內閣王岐

公除許九制

延對禁途

王岐公除張友直制

延閣侍從之選

曲阜行范紳禮復天章閣待制

萃帝文於寶箴以待碩儒

王岐公

除張友直制

詩句我天中閣鳴玉改新步

王荆公送元待制知福州

古今事實

玉府藏書

宋朝慶曆七年置龍閣學士詔曰欽惟聖考濬發辰文百篇森布於寶用二襲肇興於華閣肆予纂紹之始務闡師儒之隆遂延勸講之臣欽佇論思之益掩玉府藏書之盛延金甌待詔之才宜令廣待從之負抑亦副通追之念特置天章閣學士直學

七也

金甌待詔 事見上

天章之號

天聖八年置天章閣待制詔曰真宗皇帝躬上哲之資據大寧之會受翠嫺之瑞錄發合口之璿源勒銘喬封莫玉方澤炬赫景炎不隆寶構凡經禮樂之制績成辰象之篇愛即禁途肇新層閣榜以天章之號煥乎策府之華宜擇雅才俾參近署特置天章閣待制位龍圖閣待制之下

古今文集

雜著

謝轉禮部員外郎充天章閣待制表 韓琦

事類彙編 卷之二十一
十一
渙渥自天震惶無地改中臺之華序進內閣之清班畫出高明
殊登祕近竊念臣發自頽蒼賔于舜門一第為榮四方無效爰
自書林預選桂籍升華耻汨沒以懷安或感激而論事惟冀古
人之節詎希英王之知伏惟尊號皇帝陛下稟帝堯之聰明加
漢高之豁達坦聖懷而虛受期鴻化以成孚念三聖之艱難而
成不業求士人之蹇謬以補大猷臣猶愧非才首當清問危言
多犯孤立自持斧鉞居前雷霆在上敢避樞機之禍終垂藥石
之良陛下日月垂光江海敦量恕其萬死假之一塵望已絕於
青雲谷未更於鴻濛俄易藩宣之寄寧分軒冕之憂念降綸章
特加寵數而况闢圖書之府叨處於深嚴踐雲龍之庭當備干
顧問非名儒而不稱豈曲士之能堪矧造清曹仍居舊治輝榮

大集志願何求敢不內守朴忠外修景行進退惟道遵聖賢視
履之方始終一心副君父育材之造

寶文閣

學士 直學士
待制

歷代沿革 宋朝寶文閣在天章閣之東西序羣玉葉珠殿之北
即舊日壽昌閣慶曆改曰寶文嘉祐八年英宗即位詔以仁
宗御書御集藏于寶文閣 命王珪撰記立名 治平四年神宗
即行始置學士直學士待制恩賜依龍圖英宗御書附于閣
會要宏詞編題 學士 治平四年初置以呂公著兼直學士治
平四年初置以邵必為之 會要略 待制 治平四年初置
羣書要語 鈿軸寶由未終繡綠白雪紫氣遽逐上賓 治平除學

士詔大訓九歌之重垂世其長廣內秘室之藏詒謀無秘同上

西清近班曲阜呂嘉問制奎文寶訓入直禁嚴東坡集寶奎之

直棧表類延閣禁途曲阜制延閣近職范純粹制通籍延閣除

王欽若制延閣待從之班曲阜李之純制三聖圖書在延閣

儒學之士列職其中諷議討論維時妙選蔣之奇制

古今事實

藏書之府

治平四年置寶文閣詔曰昔我祖宗咸有制作煥于簡編河漢

昭回奎壁相映乃規層宇遂在西清憲上帝藏書之府彰累朝

稽古之盛並揭嘉名以登峻望俾服疑嚴之職因為谷旦之地

寶文閣宜置學士直學士待制

夢草學士制

治平二年予為知制誥夏六月夢丞相遣朱衣吏召命草某人

為遂清殿學士制明年五月丞相遣朱衣吏召當制舍人呂縉

叔除邵不疑為寶文閣學士後數日得承旨張公所作詔云乃

規層構遂在西清記去歲之夢與詔文相合君符契焉春明起

朝錄

魁甲寶文

章衡知澶州神宗曰卿為仁宗朝魁甲寶文藏御集之處未始

除入今處鄉

古今文集

雜著

事文類聚遺集

卷之二

十四

辭免直寶文閣狀

朱元晦

熹昨以妄庸薦叨除用。辟言引疾。曲荷俯從。自巳願私不勝感。激所有宮觀差遣。熹巳即時望闕謝恩。祇受訖。惟是進取恩命。眷獎隆深。自願么微。莫堪稱塞。兼親近制內閣清班。非有勲庸。不輕遷授。而熹無狀。行不掩言。無以取信。交遊以至自貶。詎辱。既勤聖慮。復紫朝細罪。則巳多功於荷。有醜顏。曷受義實。難安。欲望朝廷特賜敷奏。追寢成命。令熹且以舊官。竊食祠館。不勝榮幸。伏候指揮。

顯謨閣

學士 直學士 待制

歷代沿革國朝元符元年曾布鄧洵仁各申請建閣詔翰林學

士中書舍人撰閣名目五以聞續建閣藏神宗御集以顯謨為名神宗大新政事故以不顯文王謨為名徽宗建中靖國元

年詔以顯謨閣為熙明閣仍置學士直學士待制續奉旨仍以顯謨為額此據周益公宏詞編題而續會要云復顯謨舊名年月無考按次年巳詔顯謨閣學士直學士如三閣故事復名顯謨恐在此年崇寧元年詔顯謨閣學士直學士待制如三閣故事序位在寶文閣學士直學士待制之下學士直學士待制並建中靖國元年置

古今事實

藏金玉之編

建中靖國元年詔略曰神宗皇帝言則為文昭如雲漢寶之垂

世炳若丹青仙馭升遐泰陵繼序乃春祖宗之舊采藏金玉之編遂在西清並崇華宇爰各適列俾訪遺文鈿軸未終雲軒忽遠輝冲人之纂紹惟往憲之欽承用揭加名乃延俊望詒謀有翼豈徒瑰琰之並陳與天無窮是推奎壁之相照宜以顯謨為熙明

圖功臣之像

三年又詔以熙寧元豐功臣圖形於顯謨閣詔略曰神宗御集總九千八百餘篇藏于禁閣揭以顯謨所以丕昭聖作也維時功臣宜列于此其熙寧元豐功臣圖形於顯謨閣

徽猷閣

學士 直學士 待制

歷代沿革 宋朝太觀二年初建徽猷閣以藏哲宗御集置學士

直學士待制 會要

羣書要語峻西清之秩 龍溪除詹又制 顧已班於次對且就進

於榮名 初寮除徐鑄制自待制升學士 徽閣西清之崇資 吳芾

制次對西清實聯榮於法從 初寮除陳彥修制 升甘泉法從之

班 龍溪除胡舜陟制

古今事實

寶藏之所

太觀初置學士等官詔略曰祖宗述作皆有寶藏之所參列廣內揭為加名世擇儒臣以資訪納今將祗率成憲各以出信不向無所考也在詩有之君子有徽猷是惟詢德之美而觀道之

成其托宗御集建閣以徽猷為名

敷文閣

歷代沿革 宋朝紹興十年置實錄院檢討朱翌申請乞建閣以藏徽宗聖製詔閣以敷文為名置閣學士直學士待制等官中興會要

羣書要語內閣寶儲學士最為高選吳芾辭免直學士狀進奉文之直 延閣之華班聯愈峻並同上

古今事實

宸章奎畫

紹興間置學士官詔畧曰徽宗宸章奎畫煥乎若辰之文麗

天垂光 意飾羣物殆與詩書相表裏崇建層閣以嚴寶藏恭以敷文為名置學士直學士待制直閣以次列取備西清之容訪為儒學之華寵其著于令

煥章閣

學士 直學士 待制

歷代沿革 宋朝淳熙間建藏高宗御製學士直學士待制并淳熙十五年置待制初除劉國瑞

古今事實

堯章彙閣

淳熙建煥章閣置學士等官詔略曰載稽帝世之隆無不堯章之煥因揭爰曰於層宇仍列取於清廟又淳熙批卷云堯章彙閣

華文閣

學士 直學士 待制

歷代沿革 宋朝慶元三年置藏孝宗御製學士直學士待制並慶

元二年詔置

羣書要語世為閣之穿班 慶元批答 華閣增學士之寵 同上

古今事實

羣玉之府

慶元三年置華文閣學士等官詔曰朕惟孝宗皇帝睿聞皇圖粹昭王度經緯天地道存灑臨之書鼓舞風雷仁湯溫純之命寫之琬琰炳若丹青大微二光之庭不闡鳳巢之勢上帝羣玉之府遂通龍紀之聯寶典謨訓詁之垂範禮樂刑政之用華協

堯章之煥文光燦若之明典輯鴻徽禮嚴蕪異以華文為名置學士直學士待制直閣式遵刑獻寵陟儒英庸飾彼司其刊諸

古今文集

雜著

除將作監置華文閣謝表

劉克莊

山川秀出太極生於兩儀雲漢昭回靈光飾於萬物次對有列非賢不居如臣者少而才疎老以病去逢聖明之求舊亟號召以拔淹顧以有采薪之憂遂違不佞駕之禮逃刑已幸即拜更優久歸守東岡之陂扁舟載月忽夢入西清之序榮光屬天茲蓋伏遇皇帝陛下聖孝通神仁厚詡物念吾父有所愛之犬而况

於人謂微臣如遺聖之蛇未獲其隱曾見元正之朝士得見會
昌之新春是日厥臣上昭其德意臣敢不吉蠲若屬顯相必齋仰
瞻圭璧之芒寒俯嚴香火之尊奉弱水三萬恍親銀闕之雲大
椿八千祝為萬屋之壽臣無任感天荷聖激切屏營之至

寶誥伏閣

學士 直學士 待制

歷代沿革 宋朝嘉泰二年八月置以藏光宗御製學士直學士
待制並嘉泰二年置

古今文集

雜著

謝除寶誥閣學士表

楊廷秀

聖謨新閣森天上之寶書法從崇班綴西清之學士隨雲霄之
異數貢山澗之遠臣戴恩不貲圖報無所臣中謝恭以光皇之
立極煥乎不訓之治謀曰都曰俞萬無間矣有與有則宋其與
乎屹璇題之造夫乾坤闔闔藏金匱而鑲玉雲漢昭回盍簡菜
奇以司文獻如臣者學焉將落老矣無能分甘涸疾於煙霞敢
慶末光於日月楓林楚木久違長樂之鐘聲銀闕金宮忽近瀛
洲之雲氣茲蓋伏遇皇帝陛下慕親如舜對食見堯謂臣在昭
考之廷當席鴻鵠之羽翼在臣聯柱史之職盡護龜龍之圖書
而臣歷重四朝萬聞寸效愧彼十八仙之盛以文辭鳴惟茲一
萬歲之呼使聖人壽

謝除寶誥閣學士表

楊廷秀

續無可考進所職以為真禮過乎優更於家而即拜民之多幸
人謂斯何臣某中謝竊惟學士之名首出從班之右非星辰聽
履舊人長於大卿則雲漢為章久代言於兩禁望實具美朝野
乃乎如臣者少也顛愚老而災疾六十六而解組夢隔日邊七
十四而掛冠蹟荒雲外夫何下澤之叟遽躡登瀛之仙花底玉
堂月伴桃源之棹雲間銀闕風恬蓬渚之舟覆載無私豚魚其
信茲蓋伏遇皇帝陛下天仁老老聖澤淵淵文獵滄濱上誤熊
羆之兆漢招商嶺何禪鴻鵠之歌祇辱詳延不稱明詔臣被恩
汪濊次骨榮懷擬周易八卦辭俯慙家學同天皇九九萬歲
仰祝帝齡臣無任感天荷聖激切屏營之至

寶章閣

學士 直學士
待制

歷代公章 宋朝寶慶二年詔置藏寧宗御製學士直學士待制
並寶慶二年置

古今文集

雜著

除寶章閣直學士知寧國府到任謝表

吳永叔

罷直禁林叨陞鴈閣離離危從亦忝蕃宣祇荷恩華彌深感涕
竊惟寧國本鳩茲地跨鵲岸管厥土磽瘠而堅厥民精勁而藝
唐時戶口不滿六萬戍兵纔及二千而西平淮莫北取澤路守

圍行敵各迫有功。今生齒之版幾倍於前而廩禁之籍乃不知。昔若使歲年豐稔猶或可以保民脫遭水旱凶荒則將何以爲國。而况安適姑孰接連大江當此防秋之時寧無飲馬之慮。永言牧御宜藉英賢如臣之迂豈堪此寄伏念臣始自入仕至於升朝宰巖邑幾四年蓋嘗學道丞外府闕三載曾靡求知不自意於遭逢乃徧更於華顯既叨銓部憲曹之選又忝詞垣翰苑之臣以文字爲官常以語言爲職業入待則閉閣草制吏責不加退朝則杜門讀書職夏靡及向嘗登對便殿親聞玉音謂臣奏疏頗爲憂時謂臣麻詞最爲得體所以感激恩遇竭殫疲篤抑不思名既盛則毀日來官愈清則忌益衆致煩吏議有累聖知不謂特蒙皇帝陛下堯仁如天漢德如海察其初無大過於

其粗有小能寧在刑章復紆郡紱零威而待揚僥既寬陽翟之誅違詆而用元之猶昇黃岡之守臣無斯學力有此寵榮荷遺簪之昧忘誓結草以圖報故纔抵郡境延見吏民具言天子聖神朝廷清恭治政無大小必躬必親視民無戚疏兼愛兼養有隱畢達無幽不神更遣近臣出爲刺史凡白袍烏帽之叟見紫筆朱衣之火自謂生長至今已八十餘歲不聞待從出守幾三十餘年以臣之來必慰其望臣敢不飾已以正臨民以莊不事培克爲聲名不崇簡大爲風采官暇則勞耕夫于野農隙則閱弩手于州千里佩符雖對千壘旌旗之色五更聽漏尚思神京鐘鼓之音

除寶童閣學士知温州謝表

吳永叔

代耕南畝已玷廩人繼粟之恩假守東歐復霑學士登瀛之選
 殊私難報危涕自零伏念臣本自諸生家承素業柳氏之族少
 為朝士曩嘗聯綴於周行子雲之官不過侍郎今已徑登於常
 伯豈薄技出宗盟之右而謏聞超往哲之先實以遭值聖明踐
 更華顯曾一麾而去國尋再命而典州雖回顧玉堂班莫陪於
 供奉而載瞻寶宇夢猶到於邃清申之以錫命之蕃重之以賜
 金之富叢徽章之踏至貌裴質之難堪茲蓋伏遇皇帝陛下泰
 包八荒賁飾萬物察臣衷心自直故撫弃迹以重收念臣力學
 未襄故貼嘉名而特受疇之邇列無此龍光彼井土之一殮猶
 捐軀而不顧匹夫片語終失義而弗忘矧茲懷恩未報之身當
 此焦思有為之日若匪共而不一公爾忘私則非惟無利於公

家是亦自負其所學永言及此之死靡他

辭寶章閣待制知潭州狀

真德秀

恭聆成煥有惕懦冀竊以列職西清班實聯於禁從分符南楚
 奇尤重於帥垣必材望之兼優始選掄之克稱伏念其賦姿甚
 陋積學未充掌制記言儻策何補觀風作牧奏最茂聞方勉報
 於國恩乃驟違於親養二年素鞫甫遂終喪一札溫綸遽叨錫
 命顧憂患摧傷之後正山林屏伏之餘詎意么微上蒙記錄以
 次對而易論謹班資既甚超踰矧長沙之眠豫章事任尤為繁
 重昔尚慙於非據今奚敢以冒居伏望朝廷特賜敷奏追還茂
 渥改畀叢祠庶安孤陋之蹤少追滿盈之咎

再辭待制狀

除寶章閣待制知潭州湖南安撫

真德秀

君又有命臣子敢違顧如星沙郡寄之雄荆湖帥閫之重在選
 掄為至遴豈讓薄所能堪迫於宸指之嚴靡容固避適若職名
 之峻尤所未安蓋有唐命次對之官至本朝參近侍之列非嘗
 真歷禁從未始輕有詔除間驟昇於儒宗式從羣望或優褒於
 治最庸示殊恩如臣某者學本迂疎材非敏茂綴班兩首一無
 裨補之能去國九年二冒清華之直雖僥榮之已甚猶久次之
 可言迨叨集撰之陞在位洪都之守甫半期而遽去曾寸效之
 未聞顧以何名可當茲授致身邇列豈非寒土之榮假寵罔功
 適重清朝之累載循非據敢昧年辭除已一尚擇日祇受新除
 渥州恩命外所有寶謨閣待制職名欲望朝廷特賜敷奏許令

避免姑仍舊職俾戀新庸庶逃超躐之譏實荷全安之造

新編古今事文類聚遺集卷之二終

新編古今事文類聚遺集卷之二十一
二十四

新編古今事文類聚遺集卷之三

建安 祝淵 宗禮 編

金陵 唐富春 子和 刊

諸院部遺

侍讀

以下補新集侍讀之後

歷代公華 唐開元二年始命馬懷素褚无量更日侍讀十二年

置集賢院侍講學士侍讀直學士詳見事實注 宋朝太宗始

用著作佐郎呂文仲為侍讀真宗咸平三年以楊徽之夏侯

嶠並為翰林侍讀學士邢昺為翰林侍讀學士始建學士之

職其後馮元為翰林侍讀不帶學士又有馬宗元為侍讀高

事文類聚遺集卷之三

若訥為侍讀不加別名但供職而已會要天禧二年張知白為刑部侍郎充翰林學士知天雄軍府侍讀學士外使自知白始也元豐官制廢翰林侍讀侍講學士不置但以為兼官然必侍從以上乃得兼之其秩卑資淺則為說書歲春二月至端午日秋八月至長至日遇復日入侍邇英閣輪官講讀元祐七年復增學士之號元符元年省去續會要建炎元年詔可特差侍從官四員充講讀官遇萬機之暇令三省取旨就內殿講讀官觀兼侍讀元豐八年五月資政殿大學士呂公著兼侍讀提舉中太乙宮兼集禧觀公事七月韓維兼侍讀提舉中太乙宮元祐元年端明殿學士范鎮致仕提舉中太乙宮兼集禧觀公事兼侍讀不赴六年馮京兼侍讀充太

乙宮使未幾乞致仕不允仍免經筵進讀續會要中興以

如王大資 朱丞相勝非張大資沒謝資政克家趙觀文昌非

萬俟資政商企以萬壽觀使兼侍讀隆興元年張大資兼以

萬壽湯大觀思退以醴泉並兼侍讀乾道五年劉敷制章以

佑神兼侍讀中興會要臺諫兼侍讀自慶曆以來臺丞多兼

侍讀諫長未有兼者紹興十二年春萬俟中丞商羅諫議楫

始並兼講讀自後每除言路必兼經筵矣朝野雜記元以後

廢

羣書要語 儒學之臣入閣侍讀所以考覈疑義其列於分職始自開元而朕尤向之南豐擬制虎觀清閑之燕誦說古今以廣見聞曲阜行傳堯俞制西學上賢玷侍臣之高選東坡謝表

詩句遙知丹地開黃卷

陳后山寄侍讀蘇尚書

古今事實

選儒學士

元宗謂宰相曰朕每讀書有所疑滯無從質問可選儒學之士日使入內侍讀盧懷慎薦馬懷素使與褚無量更日侍讀待以師傅之禮通鑑

聚文學士

元宗置麗正書院聚文學之士或修書或侍讀有司供給甚厚舉通經士

元宗詔羣臣及府郡舉通經士而褚無量馬懷素等勸講禁中天子尊禮不敢盡臣之唐儒林傳序

刊緝經籍

集賢殿書院侍讀學士掌刊緝經籍凡圖籍遺逸賢才隱滯則承旨以求之唐百官志

以質疑義

元宗嘗選耆儒日一人侍讀以質史籍疑義至是置集賢院侍講學士侍讀直學士至德二年置太學士四年罷同上

以師臣禮

唐馬懷素元宗時與褚無量同為侍讀更日番入既叩閣肩輿以進或行在遠腹乘馬官中每宴見帝自送迎以師臣禮或作以申師資之禮職方

讀書守操

事文類聚

卷之三

七

開元中王志愔表薦白履忠隱居讀書貞苦守操堪代褚無量
馬懷素以為侍讀

好學謹守

唐徐岱字處仁少而好學多所探究侍讀兩宮而謹守過人

兄弟迭處

高少逸代元裕為侍讀學士兄弟迭處禁密時人榮之高元裕傳

疏諫遊畋

王起釋褐授校書郎累遷中書舍人數上疏諫穆宗遊畋事俄
加侍讀文宗上文好古學是時鄭覃以經術進起以敦博顯帝
數訪逮時政因積雨願寬逐臣過惡唐本傳

遂除為相

薛放端厚寡言穆宗為太子拜侍讀及即位帝謂曰小子新立
懼不克荷宜相以輔不逮放叩頭辭曰臣庸淺不足塵大任帝
美其誠本傳

耆儒充選

先是侍讀其名未崇真宗首置此職擇耆儒實學以充其選班
次翰林祿賜如之設直廬於祕閣侍讀更直侍講長上日給尚
食珍膳夜則迭宿多召對訪問或至中夕會要

老成端士

趙彥若元祐初將啓講筵宣仁后諭執政云陸佃蔡卞皆少年
宜用老成端士乃以彥若兼侍讀四朝國史

願選忠厚

元祐初劉摯上疏仁宗皇帝盛年嗣服用李維晏殊為待讀孫奭為待講陛下春秋鼎盛願選忠厚孝悌純茂老成之人以充勸講進讀之任以廣睿智仰副求治之志

歷言時事

蘇軾除待讀普侍讀三朝寶訓因及時事公歷言今賞罰不明善惡無所勸沮又黃河方西流而強之使東夏人寇鎮戎殺掠萬餘人帥臣不以聞朝廷亦不問恐成衰亂之漸當軸者恨之

暇日召問

太平興國六年上聽政之暇日閱經史始用著作佐郎呂文仲為待讀常出經史命文仲讀之文仲與待書王著更宿而書學尊端亦直禁中每暇日多召問文仲以經書著以筆法端以字

學

諮訪政事

孝宗隆興元年十一月命經筵官通宿學士院朝夕宣召商確古今諮訪政事

以備顧問

至和二年詔龍圖閣直學士兼侍讀張昇謚康節年高免進讀止令侍經筵以備顧問仁宗實錄

條上十議

哲宗即位以呂公著為通英侍讀始至上言曰人君即位當正始以治天下修德以安百姓修德之要莫先於學學有緝熙于光明臣待罪講讀謹條上十議以裨聰明日畏天愛民修身講

學任賢納諫薄斂省刑去奢無逸言行錄

節要三書

呂公著邇英侍讀講論語畢上奏曰陛下睿哲之性出於天縱而復內宣慈訓日新大學誠以堯舜三代為法則四海不勞而治將來論語終帙進講尚書二書皆聖人之格言為君之要臣輒於其中及孝經內節要語共一百段進呈便於省覽或游意筆硯之間以備揮染亦日就月將之一助也家傳

不殺羊羔

邇英讀三朝寶訓至真宗祀汾陰日見一羊自擲道左怪問之曰今日尚食其羔真宗不樂自是不殺羊羔資政殿學士韓維讀畢因奏言此特真宗小善耳推其心以及天下則仁不可勝

用也真宗自澶淵之後十九年不言兵天下富庶其源蓋出於此言行錄

行避螻蟻

伊川頤云嘗聞上在宮中起行漱水必避螻蟻因請之曰有是乎上曰然誠恐傷之爾先生曰願陛下推此心以及四海天下幸甚同上

奏論三事

伊川召對上奏論經筵三事一上富春秋輔養為急一左右內侍官人皆選老成重厚三請令講官坐

讀唐書下傳

天禧舊制凡侍臣皆賜坐講者別設本於前侍讀初無所職但

侍立而已耳自宋殺夏竦為侍讀始令讀唐書一傳參釋義理會要

進唐事二條

蘇頌兼侍讀奏言國朝典章大抵沿襲唐舊乞詔史官學士采錄新唐書中臣主所行日進數事以備聖覽遂詔經筵官遇非講讀日進唐故事二條公每有所進可為規戒有補時事者必述以已意反復言之言行錄

進祖禹帝學

鄭丙字少融淳熙中兼侍讀取陸贄奏議切時者反覆開陳進司馬光五規范祖禹帝學資乙覽

讀蘇秦約從

司馬溫公遷侍讀學士進讀通鑑至蘇秦約從六國事光曰秦儀為從橫之術多華少實無益於治此謂利口之覆邦家者也言行錄

論黃帝無為

史衛國公浩字直翁淳熙中除醴泉觀使兼侍讀浩嘗讀正心篇論黃帝無為天下治上曰所謂無為者豈燕安無所事事之謂乎

講讀延義閣

崇政殿西有延義閣南向迎陽門之北有延英閣東向皆講讀之所仁宗初御延義每初講論或講讀終篇則宣二府大臣同聽賜飛白書或賜宴其後專御通英也東齋記事

賜宴資善堂

呂溱以待讀學士知徐州仁宗特賜宴資善堂遣使諭曰此會特為卿設可盡醉也仍詔自今由經進出者為例神宗實錄

薦當世士

樞密直學士陳義在經筵日嘗論薦當世之士自司馬溫公而下三十三人最後言鄭俠小臣愚直敢言如此是亦發於忠義非陛下矜憐其志而使得生還誰復為恢言者又史浩除少保大觀文醴泉觀使兼侍讀進讀二朝寶訓及真宗正說事關治體及當法祖宗者必委曲援引開廣上心引陳義故事薦石斗文等五人皆召赴闕再兼侍讀又薦薛叔似等一十五人叔似召用餘以次收擢言行錄

言外成事

陳正獻公俊卿兼侍讀會錢端禮起戚里秉政駸駸入相館閣之士相與上疏斥之皆為所逐公進讀寶訓適及外戚事公極言本朝家法外戚不預政最有深意上首肯久之端禮卒不相誠齋集

論日食之變

張九成在經筵一日論日食曰日食之變本於惡氣之萌惡氣之萌本於惡念之起上登然曰誠在朕念慮間當為卿戒之他日上謂近臣曰朕於張九成所得甚多系年錄

著聖覽十卷

丁度字公雅兼侍讀在經筵仁宗呼為學士而不名嘗問以著

龜占應事對曰不若以古之治亂為著龜也仁宗出歌器以示
之曰朕欲臨天下以中正對曰臣亦願以中正事陛下著述英
聖覽十卷龜鑑精義十三卷慶曆兵錄五卷編年總錄八卷

反覆開道

蘇軾侍讀至治亂盛衰邪正得失之際未嘗不反覆開道上雖
恭默不言聞所論輒首肯善之墓誌

使上不忘

蘇頌言吾在金華每進讀至再兵息民則必反復使上不忘再
兵息民之意以謂人主之聰明不可有所嚮有所嚮則偏偏則
為患大矣談訓

古今文集

雜著

侍讀學士等請宮中視學表

晏殊

伏奉聖旨以時暑暫住講書至秋涼仍舊者運當文治日侍講
筵以炎暑之盛隆遂紫宸之游息載頌明旨允合舊章伏惟皇
帝陛下應運採生代天化育御承光之法座臨照九圍奉長樂
之慈顏緝熙萬務緬懷三聖撫愛兆民知王業之艱難識帝模
之宏遠於是順稽古道崇尚素風命冊府之儒臣啟金華之經
席旬周衆說既析於篇題齊魯善言彌勤於聽覽屬南薰之扇
候憫會舟之增勞暫錫假寧事昭恩遇臣等退惟節貨幸此親
逢敢忘膝聲之言仰效涓毫之助切以四方無事百度允釐官
禁之間穆清多豫伏願重漢皇之六合惜夏禹之寸陰時習所

闡愈精大義間揮仙翰式就神功彰睿德之日新廣鴻猷之天賦如此則宗祚景福贊明王之保邦夷夏仰瞻識大朝之垂教

辭免兼侍讀狀

洪咨夔

便蕃疏渥懼讐交懷臣竊惟上聖以典學為功諸儒以詔敕為職執經並列勸讀本嚴間嘗起舊弼於內祠今亦進耆英於書殿必深於道乃稱厥官如臣者猥錄法從之聯濫廁細醜之講懷公無得呻卑何裨屬月正元日之臨盛春王三朝之會首叨榮於瓊闈仍陟寵於金華四象八卦之陳未知源委五典三墳之誦曷效涓埃倘兼取於熊魚必重譏於鵠特伏望皇帝陛下充能自得師之妙廣佛時仔肩之公察臣潢潦之易除矜臣丘垤之難進俾安舊序別選名流

侍講

歷代沿革漢顯宗時張酺數侍講于御前張酺侍靈帝以楊賜

有重名舉賜侍講于華光殿中又召劉寬拜太中大夫侍講

華光殿劉寬傳雖有待講之號而未以名官至唐開元十三

年始置詳見侍讀門宋朝咸平二年國子祭酒邢昺為侍

講學士其後又有馬宗元為侍講不加別名但供職而已會

景德四年以翰林侍講學士邢昺知曹州侍講學士外使

自昺始焉續會要元豐以後官制通見侍讀門故事自兩省

臺端以上並兼侍講元祐中司馬公休以著作佐郎兼侍講

時朝議以文正公之賢故特有是命朝野雜記紹興五年范

元長以宗卿朱子發以祕少並兼蓋殊命也乾道六年張敬夫始復以吏部員外郎兼蓋中興後庶官兼待講者惟此二人若紹興二十五年張扶以祭酒隆興二年王宣子佐以檢正乾道七年林景度以宗卿入經筵亦兼待講者蓋扶本以言路兼說書就陞其秩宣子時攝成曹景度嘗為右史且有敬夫舊例故稍優之皆有以也同上熙寧元年龔鼎臣蘇頌劉放等議不當坐講疏朝廷班制以待講居侍讀下會要臺諫兼待講慶歷二年召御史中丞賈昌朝待講邇英閣故事臺丞無在經筵者上以昌朝長於講說特召之仁宗實錄神宗用呂正獻亦止命時赴講筵去學士職中興後王尚書實為御史中丞建請復開經筵遂命兼待講自後十五年間繼

乏者惟王唐公徐師川二人皆上意也紹興十一年春葛侯中丞高羅諫議檄並兼講讀紹興二十五年春黃殿院德元王正言珉並兼待講非臺丞諫長而以待講為稱又自此始其後猶或兼說書臺官自尹穡隆興二年五月諫官自詹元宗乾道九年十二月後益以待講為稱不復兼說書矣朝野雜記修注兼待講自朱子發後修注官多得兼待講嘉泰二年八月林白玉自殿中侍御史兼待講除起居郎其年閏十月二月鄧伯允改兼史編實計非故典也舍人伯玉改兼權刑侍伯允改兼史編實計非故典也開禧元年八月婁彥開自言路徙奉常兼權中書舍人亦以史院易經筵遂為定例三年十月朱仲文自司諫改奉常兼講如故意者以其兼權史

侍故也十一月王簡卿知諫院為左史仍兼崇政殿說書言者猶以為不可罷之嘉定元年黃伯庸自右正言兼侍講除起居舍人兼如舊今故典矣自渡江後惟王樞密論以右史兼說書其他無此比

官觀兼侍講 宋朝自元豐以來多以官觀兼侍講乾道七年寶文閣待制胡銓除提舉佑神觀兼侍講是日以宰執呈進虞允文奏曰胡銓早歲一節甚高謂當濶略錄其氣節不宜令遽去朝廷上曰銓固非他人比且除在京官觀留侍經筵故有是命中興會要

羣書要語 奉天子五學之遊東坡謝表望西清之帷幄久立彷彿聽長樂之鼓鐘恍如夢寐同上金華經幄併以命爾曲阜行

周常制今將開延英之席司馬光詔詞賦成於鼓吹典墳富於泉海馬懷素侍講制

詩句 綉裳畫衣雲垂地不作成王剪桐戲東坡迓英講論賜書日高黃繖下西清風動槐龍舞交翠同上江沙踏破青鞋底却結絲絢侍禁庭東坡入侍

古今事實 講經同異

宣帝甘露二年詔諸儒講五經同異肅望之等平奏其議帝親稱制臨決前本紀以儒術進

宣帝纂修洪業亦講論六藝招選茂異而肅望之梁丘賀夏侯

勝等以儒術進

公孫弘等贊

置五經師

顯宗永平四年置五經師張酺以尚書教授數講於御前酺為
久質直守經義每侍講間隙數有匡正之辭張酺傳

辨明經義

栢榮光武拜為博士車駕幸太學會博士論難於前榮辨明經
義每以禮讓相厭不以辭長勝人特加賞賜愈見敬厚常令止
宿積五年榮薦門下生胡廣侍講乃聽得出旦入榮嘗病朝夕
遣問後病愈復入侍講後栢榮傳

詔選通書

揚賜靈帝嘗受學詔選通尚書宿有重名者三公舉賜乃侍講

于光華殿中

後本傳

常令講經

劉寬靈帝初拜大中大夫侍講光華殿賜衣一襲帝頗好學藝
每引見寬常令講經本傳

勸講帷幄

楊秉以明尚書入勸講拜大中大夫以病乞退黃瓊上言秉勸
講帷幄不宜外遷臣勸講猶待講也

有史館風

肅宗常言張酺入侍講屢有諫止聞問惻惻出於誠心可謂有
史館之風矣張酺傳

儒學侍講

揚秉威帝即位以明尚書徵入勸講邊韶議奏秉儒學侍講常在謙虛

入講白虎觀

賈逵班固並校祕書肅宗好古文尚書左氏傳入講白虎觀南官靈臺

召入太液亭

唐高處厚路隋為翰林侍講學士穆宗召入太液亭命分講尚書洪範等篇訪以理體處厚等演經義以廣規諷之道本傳

使講尚書

張誦肅宗即位出為東郡太守元和二年東巡狩幸東都引誦及門生并郡縣掾吏並會庭中帝先備弟子之儀使誦講尚書

一篇然後修君臣之禮賞賜殊特莫不沾洽

論定五經

肅宗詔下鴻與廣平王及諸儒論定五經同異於北宮白虎觀帝親稱制臨決鴻以才高論難最明諸儒稱之帝數嗟美焉時人歎曰殿中無雙丁孝公

持經內殿

略隋祗事穆宗侍經內殿敷堯舜之大典暢周孔之遺風雅言五音與義水釋唐制詞

為六經法言

常處厚為侍講學士以穆宗冲怠不向學即與路隋合六經撥其粹要題為六經法言二十篇與助省覽帝稱善本傳

名六經纂要

唐崔郾為侍講學士與同列高重抄撮六經嘉言要道區分事類凡十卷名曰六經纂要冀人主易於省覽上嘉之賜錦二百疋分紀

疑事口宣

王起文宗時侍講時或僻字疑事令中使口宣即以榜子寫對故起著口宣十卷唐本傳

疑義召問

文宗召王起許康佐為侍講學士柳公權為書學士上每有疑義即召學士入便殿顧問討論率以為常謂之三侍學士恩寵異等

經術該深

鄭覃文宗時召為翰林侍講學士覃於經術該深淳篤守正帝尤重之李宗閔知政事以覃與劉德裕厚忌其親近遷工書欲推遠之帝雅向學頗思覃復召為侍講

文思贍逸

常處厚通五經博覽史籍而文思贍逸為知制誥穆宗以其學有師法召入翰林為侍講學士授諫議大夫改中書舍人分紀

語約義明

呂公著於講讀尤精眾謂語約而義明可以為當世之冠言行錄

講官第一

東坡先生嘗謂李薦曰范淳夫講說為今經筵講官第一言簡

而當無一冗字無一長語義理明白而成文燦然乃得講師三昧也李薦師友談記

色温氣和

伊川先生曰昨在講筵曾說與温公云更得范純夫在筵中尤好温公問何故願曰自度少温潤之氣淳夫色温而氣和尤可以開陳是非導人主之意遂除待講程氏遺書

治亂深陳

呂申公既侍經筵時仁宗春秋高公於經傳同異訓詁得失皆陳其略至於治亂安危之要聞之足以戒者乃為上反覆深陳之申公家傳

有該教化

余靖上疏曰天子之學簡而不煩上曰靖所言誠知治體命待臣講讀有該教化者周悉講論仁宗實錄

論議褒貶

伊川在經筵文潞公嘗與呂范諸公入侍經筵聞先生講說退相與歎曰真侍講也一時文士歸其門者甚盛而先生亦以天下有任論議褒貶無所顧避龜山語錄

閑深博約

范成大字至能乾道中兼侍講直前謝上曰卿閑深博約故有此除

多傳經義

英宗時呂公著在經筵多傳經義以進規講論語人不知而不

熨不亦君子乎。公言在下而不見知於上者多矣。然在上者亦有未見知於下者也。故古之人君政令有所采乎人心。或有所采服則反身修德。而不以熨怒加之。舜之誕敷文德。文王之皇自敬德。是也。上知公意深切。每改容如在車之式。家傳

開列古義

大史公范祖禹詰朝當講。即前一夕正衣冠儼然如在上前。及當講開列古義。仍參之時事。及近代本朝典故。以為戒勸。李薦師友記

三經要語

范祖禹兼待講。講論語畢。賜宴東宮。上遣賜御書唐人詩。公表謝。又賦詩以獻。退而節略尚書論語孝經要切之語。訓戒之言。

得二百一十九事。名曰三經要語。進之。家傳

前經樞要

仁宗嘗命待臣講毛詩。而諫官余靖疏曰。天子之學與臣下不同。惟當撮前經之樞要。復先生之匪範。簡而不煩。為得其術。紀

左傳監戒

仁宗退朝。常命待臣講讀於通英閣。賈侍中昌朝時為待講。講春秋左氏傳。每至諸侯淫亂事。則略而不說。上曰。六經載此。以為後王監戒。何必諱。歸田錄

孟子醇正

司馬康為講官。言於英宗曰。孟子為書最醇正。王道尤明白。所宜觀監見也。

專講春秋

胡文定公安國字康侯紹興初除公兼侍講專講春秋時講官四人授例各專一經上曰各人通經豈胡某比不許行狀

各進漢事

元祐間蘇頌為侍講請如慶曆故事詔講讀官遇不講日各進漢故是一事頌於逐事後略論得失大旨呂氏廣記

獻勸講箴

趙元昊反罷進講侍講趙師民上書陳十五事八曰延講誦因獻勸講箴至是復命講讀經史長編又李文簡公燾字仁甫乾道中兼侍講以經筵少開錄趙師民勸講箴以諷并及仇士良不欲人主讀書近儒生之說言行錄

陳正心說

范忠宣公純仁字堯夫元豐中除兼侍講公語人曰國之本在君君之本在心人君之學當正心誠意以仁為體使邪僻浮薄之說無自而入豈務章通句解以資口舌之辨哉及在經筵進講必反覆開陳其說

寫無逸圖

趙鼎字元鎮先是侍講范冲乞依仁宗邇英閣故事寫書無逸孝經天子四章為圖設於講殿之壁上親御宸翰寫成一圖上以語宰執於是鼎贊上從善汲汲之意並同上

請賜坐講

舊制坐而論道別置書冊於御前仁宗富於春秋令儒臣立就

御案便於指視神宗朝王安石侍講以為道之所存禮亦加重請復賜坐乃下禮官韓維以下三人以為當坐劉放以下七人以為不當坐乃不行元祐初程頤為侍講復請坐不從呂氏家塾廣記

開筵英席

治平四年諭司馬光詔曰今將開筵英之席了未錄

展邇英閣

哲宗時程頤侍講奏邇英暑熱乞就崇政延和殿或他寬涼處講讀給事頤臨以殿上講讀為不可有旨修展邇英閣伊川文集

雙日講讀

仁宗嘗語近臣以方親庶政聽斷之暇欲召名儒講習經典宰臣馬拯等曰今春降詔每於雙日講讀以當奉行前詔故也職略

雙日講讀

淳熙七年講筵讀三朝寶訓終篇史浩奏曰陛下雙日御前後殿與宰執裁決又引臣寮班對曰軒方罷雙日又御講筵依故事讀數百言恐勞聖躬上曰朕樂聞謨訓雖雙日休假亦當時坐自是講讀上必注目傾耳率漏下十刻方罷系年錄

三德大本

哲宗初司馬康侍講洪範至又用三德上曰只此三德為更有德時天子恭默未言公喜聞德音因上書曰陛下能審而問之必能體而行之三德者人君之大本推而廣之足以盡天下之要司馬康墓誌

四字之要

事文類聚遺集 卷之三 十九

王巖叟字彥林因侍講筵奏曰陛下退朝何以消日應曰看文字對曰陛下以讀書為樂天下幸甚大抵聖賢之學須在積累積累之要在專與勤四字是積學之要願留聖意系年錄

歎真侍講

經筵承授張茂則嘗招講官啜茶觀畫伊川先生曰吾平生不啜茶亦不識畫竟不往文潞公嘗與呂范諸公入侍經筵聞先生講說退相與歎曰真侍講也朱文公程伊川年譜

帶職補外

故事侍講學士無帶出外者張知白罷參知政事授此職知大名府然非歷一府而出者不得與寶元中梅詢始帶知鄭州改許州自後兩制遂為例也東齋記事

講徹一篇

錢象先字資元自講筵出知蔡州故事講讀官分日迭進象先已得蔡州帝猶諭之曰大夫行有日矣宜徹講一篇於是同列罷進者浹日四朝國史

賜講官宴

元祐元年賜宰執經筵官宴于東宮上親書唐人詩分賜之以講論語終篇也紹興二十二年賜宴祕書省以講尚書徹章自是以為例

賜章服御書

慶曆七年上御邇英閣講孝經賜曾公亮三品章服曰此賜異於他日又范祖禹講論語畢上賜御書唐人詩

在經筵數載

曾公亮自集賢校理至翰林學士侍講二十餘年。嘉祐間，王安石在經筵二十七年。上稱其行義以比先朝，惟遵度。

古今文集

雜著

謝翰林侍講學士表

范祖禹

辭其可辭，敢忘故事。受其可受，祇服新恩。洪惟真宗初置講職，問學常勤於日，身論經或至於夜分。以啓迪於後人，俾監觀于成憲。先帝更新治職，止命兼官。雖因章之制不同，而經緯之文則一。惟熙寧元豐之成烈，有金匱石室之舊聞。不顯帝謨尚資史筆，追觀列聖之典，多委四輔之臣。夫何一介之微，膺此二任。

之重。此蓋伏遇皇帝陛下，欽明文思，齊聖廣淵，如日方中。法天不息，謂二帝三王之道，當窮極於高深。一祖四宗之書，光已詔於永久。惟念終於典學，筆追孝於前文。以臣夙侍書筵，叨塵末觀。曲加寵數，用示眷留。昔魯穆公之於子思，亟饋鼎肉。燕昭王之於郭隗，改築金臺。子或以無人乎而不能安，或欲致士於遠而先為始。如臣陋學，敢望古人。非獲人爵之可榮，竊喜聖心之不倦。

謝侍講表

孫覲

散材無用，早汗甘泉。法從之班，賜命過優。又玷西學，上賢之選。恭承明詔，不敢固辭。伏念臣讀書聊以自娛，為文不求甚解。偶隨官牒，進冒朝榮。餅壘之量已盈，幾欲飲河而止。渴太馬之力。

將盡又虞一壑以遺羞惟是福賦介特不移之愚少護窮厄不
貶之氣首叨名節入侍辭垣隨被贊書使陪經幄訟淺聞而自
愧僅同數馬之工仰睿聖之日躋徒抱猶龍之歎茲益伏遇皇
帝陛下人文丕煥邦命維新敷求左右儒學之臣講聞古今成
敗之要如臣辱陋亦預選掄以聖主責愚臣豈待兩端之叩而
小人成太器預憂五技之窮敢知圖報之方更厲匪躬之節

辭免兼侍講奏狀

周必大

綵綸參集淵谷是虞伏念臣頃自召還親蒙簡擢酌本朝待儒
先之禮以次對專講勸之官今既進貳夏卿仍聯翰苑若尚續
漢殿六經之業殆將兼唐人三侍之榮所憂仰累於殊私不獨
自慙於非據願廓燭幽之鑒別求詔徵之賢恭冒聰聞伏需報

可

辭免兼侍講奏狀

周必大

成命初傳以懼以恐臣聞藝祖甫定天下即召處士王昭素講
易禁中兼訪民情真宗復置講讀學士分直祕閣專備顧問列
聖相承遂以崇儒重道為家法自陛下握圖御極首闢黜陟命
經筵官番宿其中朝宣夕召殆無虛月博問勤詢罔匪治道益
不特藉其敷釋太義誦說舊聞應邇故事而已臣以陋儒情于
經術叨陪禁從常懼不稱而况且朝垂拱可以告辰歎萬直北
門可以備夜對使有萬分之補不待更參講勸也伏望曲回淵
鑒亟寢兼官或特起逸民追開寶之盛或改昇時彥廣咸平之
規使臣上不至妨賢下不失量力是陛下賜臣多矣孰與貪榮

踰分之愧乎

謝待講表

周必大

一趨經席已稱常布之榮參被綸言豈厭縉紳之望凌兢祇命
俯仰懷慙臣某中謝臣竊以天縱之能陋儒絕企日躋之聖典
學何加然且躬有虞好問之勤崇大禹不矜之戒正使昔人之
博洽尚難稱於在官前知如淺識之支離顧何堪於拜下而臣逢
時千一冒寵再三曩聯南省之班嘗執經於累月比候西清之
對復隸職者半年速此叨踰愈為榮幸茲益伏遇皇帝陛下聖
而益聖新以又新命兩耀於天衢猶許燭螢之曳納百川於溟
海不辭濛濛之歸是使顯蒙存陪誦說臣敢不欽承異禮勉竭
孤忠無力可陳雖未觀於實效有猷則告庶少塞於空餐

謝待講表

周必大

王人多聞尚急詢謀之益禱者寡要况非殫洽之才望虎觀之
深嚴負鵝梁之愧而臣某中謝臣竊以祖宗盛際講讀最親匪
爵秩之攸拘惟萊賢之是任上或處三公之舊下亦延九品之
卑雖言語侍從之勞日計不足然緝熙光明之助職思其憂孰
謂下臣可膺高選此益伏遇皇帝陛下有堯之聰明而靡忘稽
古有禹之勤儉而力戒於能六藝之文益皆見於行事諸儒之
學豈足望於清光更資一得之愚使效萬分之補載效朝廷之
制凡兼文館之官雖宰司提領之尊無內史訓詞之寵惟陪經
幄必錫贊書蓋道既重而禮焉可輕而待之隆則報宜加厚臣
雖極陋敢不深思區區傳註之間難規近效艱懇忠嘉之際或

請早開講奏狀

周必大

右臣今月六日伏見中書開下省錄黃奏聖旨開講用三月十一日者恭惟陛下聖質天成道學日就固不待分章摘句乃能多聞而有獲也然學之為王者事其已久矣國朝開講之制春以二月上旬今乃遂用三月十一日非獨距注講之期至近其間復有休假及詣德壽宮日分則是半歲之間講讀不過十餘日而已以陛下勤於治道咨詢無勸而又收召豪傑並寬經帷彼皆日夜望賜清閒之燕致緝熙之助若緩其所當急而使講藝論道之風稍缺於初政甚不可也臣更不敢繳奏已行之命欲乞慮慈依去年秋講例直降聖旨特就近於二月中旬擇

日庶幾中外曉然知陛下汲汲皇皇如古之聖人且於祖宗開講之制不憚臣不勝惓惓惟聖明茲幸

辭免侍講奏狀

朱元晦

恭惟國家設官分職以熙庶事其遷進之序選用之方雖甚微細莫不有法而况次對之官班通禁近其自內而除者猶有歲月之限在外而擢者必以效勞而陞從昔以來未嘗輕授至於經帷則又仰關帝學在今初政尤所當先必得醇儒使任其職然後有以發揮道要感格君心大明謹始之規以為出治之本尤不可以不遴其選也如臣疎賤久以病廢比叨試用又復罔功固已不堪超躐不次之除聞見甚淺記識不彊妄意本原亦未知要則又無以仰副招延自近之意在臣非敢自愛實恐不

免冒昧之譏有累維新之政加以盲瞶破綻不利走趨昨蒙收
召之恩已伸辭避之懇所有今來恩命臣實不敢祗受欲望皇
帝陛下察其悃悞特賜矜憐俯徇愚誠曲全素志則臣不勝于
萬幸其無任瞻天望聖激切祈懇之至

代謝待講表

樓鑰

攝居選部已困劇曹擢在經帷更承清問退慙衰朽有此遭逢
中謝伏念臣幼歷羈艱學無師法顧孤陋寡聞之習但為決科
之資如疏通知遠之經素非專門之業矧是帝王之太學非為
章句之小儒必求鴻博之人以究淵源之蘊豈容樸學獲待細
旒茲益恭遇皇帝陛下巍巍成功謙謙終吉特降至尊之勢兼
收可錄之言遂容草莽之臣亦與金華之講臣敢不黽勉微力

綴緝舊聞為二三萬言之辭敢求釋義暢五十八篇之旨庶補
重明

辭免兼待講狀

洪邁

臣聞命震悚不知所云伏念臣一介書生見識淺下僅能駢四
儷六綴緝華藻以事區區應用之詞章至於潛心聖經窺發關
鍵如以蠡測海莫知津涯而使之參勸講之聯待邇英之席非
所據焉實為甚懼又况聖學淵妙今古洞然如日當天幽隱畢
照雖使大雅宏達之士殫效尺寸日陳乎前猶增高泰山何足
云補顧臣等輩决非所堪伏望聖慈曲垂英監別擇經誼高明
可備顧問者使充此選臣無任祈天懇激之至

謝兼待講表

洪邁

經惟初啓宣延茂異之儒講綴正清乃及救蒙之士據非所稱
榮不勝恩中謝切以王求多聞雖資啓沃朝夕之助天縱將聖
自有緝熙光明之功揆臣之愚何若而可猥以傳蒙之末技嘗
有意於遺經措游夏之一辭豈知筆削東春秋之五傳空極鑽
研使居誦說之聯入奉清閒之燕內而省已矣有覩顏茲益伏
遇皇帝陛下聰明憲天濬哲稽古撥亂世而反諸正既統一於
聖莫守經事而知其宜欲汎觀於物應故如臣等亦真選中臣
敢不別嫌明微章善瘼惡燦然與文武之業方觀一統之成學
者以帝王爲師式幾于齡之遇

辭免兼侍講表

洪咨夔

疊被寵私彌深榮懼伏念臣力耕有素淡臘無多文淪坐史之

微道昧聖經之奧頃叨召對拱聽訓辭首明宣光綜攬之方純
論義文經綸之旨退深慙於謏聞難仰效於清光政虞汗玉堂
之廬忽俾待金華之席丘學山而莫及蠶測海以奚堪伏望皇
朝俯垂英鑒肆別求於鴻碩容自益於空疎

謝授侍講表

洪咨夔

五花疊組甫塵蠶禁之除六畫專經仍玷虎門之選顧天莫避
堵地匪皇中謝臣竊以太極判而兩儀生聖人出而八卦作取
小過取大壯堯舜獨盡其神曰連山曰歸藏夏商參用其法皆
繇汲汲之學能進乾乾之功迨開物成務之教衰而崇德廣業
之意泯第資誦說莫究推行武帝尊儒系通變使民之理太宗
莫古昧以蒙養正之方縱得其言何關於治蓋形而上者謂之

道必神而明之存乎人恭惟皇帝陛下觀象洗心玩文盡性悟
 泰之外健內順首賢路之宏開鑿靈之上創下業急朝綱之復
 振有體則斯有用能知而必能行奚俟鯁生尚容蠶測况臣鈞
 深無得納約有慙朱雲之折充宗僅致忠邪之辨京房之事延
 壽靡志埋亂之占雖燭螢莫近乎日月之光然勺水尤覲平江
 河之益探先天之妙蘊感前聖之微言剛健中正粹精著在自
 強之德聰明睿智神武形為不殺之仁俾斯文之大興幸當世
 之親見

古詩

經筵講詩徹章進詩

樓鑰

聖王承不祚于今歲幾迂昭向光飾物剛健位乘乾善治新更

化當陽獨攬權誅鉏及其餘權任列閑頭曩日方謀始宸心最
 急先未遑親政理首務闡經筵恭儉甘卑室尊嚴拱細旒書居
 勤已甚坐待禮無前講徹詩三百時逢運半千諸儒深誦說六
 義拯摩研俯閱毛公傳旁參鄭氏箋慨尋中古意重是素王編
 舊本三千首終存十二篇雖遭煨燼厄所賴詠歌全開迹因農
 事安民在井田成功時邁酌興業大明縣東國思乎賦南山樂
 得賢艱難由石稷勞來美周宣起自紹熙載迨茲嘉定年關雎
 從肇彼殷武遂終焉龍敷傳中旨恩光被邇聯神文期繼踵元
 祐信齊肩內廐頒雲騎彫鞍絢錦韉茗分龍焙品香拂御爐煙
 衆俊咸宣力孤生亦備員少時曾學依老去未忘筮納祿誠休
 矣歸耕久晏然鋒車俄促召梓里謂登仙詞禁容揮翰天官命

典銓豈知侵莫境重得待甘泉朽質何能報孱軀殆欲捐尚思
求諫諫海嶽效塵屑

律詩

侍立邇英述懷

蘇子瞻

瞳瞳日脚曉猶清細細槐花暖欲熏坐閱諸公半廊廟時看黃
色起天庭

侍講邇英

蘇子瞻

上尊初被早朝寒茗椀仍沾講舌乾陞楯諸公空雨立故應漸
悔不儒冠

和東坡入侍

黃山谷

隆儒殿閣對橫經咫尺清都雨露零見說文星還北極人間無

路仰天庭

崇政殿說書

歷代沿革古無此官宋朝仁宗景祐元年正月命賈昌朝趙希
言王宗道楊安國並為崇政殿說書日輪一頁祇候初侍講
學士孫奭年老乞外因薦昌朝等至是特置此職以命之續
會要慶曆二年以趙師民預講官復為崇政殿說書分紀益
秩甲資淺則為說書不兼侍講元祐間范淳夫乃以著作佐
郎兼侍講司馬公休又嘗以著作佐郎兼侍講前此未有也
呂原明家塾記崇寧中初除說書二人皆以隱逸起蔡宗旦
璿仍遂其性詔以士服隨班朝謁入侍渡江後尹彥明初以

事文類聚

卷之三

三

秘書兼之中間王龜齡范至能皆以郎官兼亦殊命也 朝野
 雜記 近事侍從以上兼經筵則曰侍講庶官則曰崇政殿說
 書故左史兼亦曰侍講如程敦厚趙衛是也 周益公集 臺諫
 兼說書紹興十二年春萬俟卨中丞高羅諫議檄並兼講讀益
 秦楚材梓是時已兼說書復於傳道自後伯陽繼之每除言
 路必與經筵矣檜死罷兼 自二十五年十月至三十二年臺
 丞諫長兼經筵止三人 慶元後臺丞諫長暨副端正言司諫
 已上無不預經筵者止言兼說書自端明巫伋始副端兼說
 書自端明余堯弼始察官兼說書自少卿陳夔始 朝野雜記
 修注兼說書自朱子後後修注官多得兼侍講開禧三年十
 一月王簡卿知諫院為左史仍兼崇政殿說書言者以為不

可罷之 同上

古今事實

諫折柳枝

程頤召充崇政殿說書一日講罷未退上忽起馮鑑戲折柳枝
 先生進曰方春發生不可無故摧折

以布衣為

哲宗幼冲召程正叔為崇政殿說書正叔以師道自居每侍上
 講色甚莊繼以諷諫上畏之正叔曰吾以布衣為上師傅其敢
 不自重 言行錄

奏論三事

哲宗嗣位召程頤將以為崇政殿說書上奏論經筵三事其一

以上富春秋宜選賢德以輔講官因使陪侍宿直講說道義所以涵養氣質薰陶德性其二請上左右內侍官人皆選老成重厚之人不使侈靡之物淺俗之言接於耳目仍置經筵祗應內臣十人使上在官中動息以語講官其三請令講官坐講以養人主崇德重道之心既而命下以通直郎充崇政殿說書實錄

納誨輔德

伊川先生既召對充崇政殿說書四月例以暑熱罷講先生奏言輔導少主不宜疎略如此乞令講官以六參日上殿間起居固得從容納誨以輔上德伊川文集

修身正心

呂希哲字原明為說書凡二年日夕勸導人主以修身為本修

身以正心誠意為主心正意誠天下自化不假他術身不能修雖左右之人且不能諭况天下乎言行錄

講說明白

景祐元年賈昌朝為崇政殿說書昌朝講說明白上喜之多所質問昌朝悉記錄歲終以付史館東都事略

賜名記注

賈昌朝為說書在經筵善講說仁宗多所質問皆記錄刪潤以進賜名邇英延義二閣記注錄事略

仍侍經筵

賈昌朝初為崇政殿說書後為天章閣侍講歷知制誥開封府權御史中丞而侍經筵如故言行錄

經術世家

熙寧四年以王雱為崇政殿說書雱宰相安石之子聞其經術能世其家故召對而擢用

崇儒重道

近制兼職雖宰相領國史實錄院勅令所玉牒所降勅而已惟講讀官下至說書皆命詞給告可見崇儒重道之意也周益公集

成就君德

程頤為說書上奏論經筵二事其二曰天下治亂係宰相成就君德在經筵伊川文集

講必齋沐

伊川先生在經筵當進講必宿齋豫戒潛思存誠以感動上意

言行錄又尹焞每當講必前夕齋戒沐浴曰欲感悟人君安得不敬編年備要

引經稱旨

熙寧中呂惠卿為說書召見奏對引經稱旨

古今文集

雜著

辭免崇政殿說書表

程頤

愚誠已竭天聽不向臣願中謝竊以儒者得以經術進說於人主之前言信則志行自昔抱道之士孰不願之顧恨弗獲臣何人哉有此遭逢然臣竊觀前古君臣道合靡不由至誠感通信以發志今臣道未行於家室善未信於鄉黨何足以感動人主

之心乎苟不度其誠之未至而欲善其辭說於進對之間為一時之觀則可矣必欲通於神明光於四海久成而無數臣知其難而思義喜時而愧已冒犯天威而盡其區區之說伏以皇帝陛下春秋之富方賴左右前後之人輔養聖性勸講之職任莫重焉切惟海寓之廣賢俊至多臣願朝廷博謀群臣旁加搜擇期得出類之賢實諸左右輔成聖德為廟社生靈之福如臣之愚實懼不足以當重任

辭勉崇政殿說書奏狀

朱元晦

臣聞命震恐無地自容伏念臣本以今歲以來屢叨恩獎不敢祇赴召命又慮稽違日久有乖奉命之恭以故籲天陳誠冀蒙允至於輒于斧鉞冒進封章亦幸聖明察其淺妄度幾必遂退

藏之願不謂聖恩隆厚天度并包雖閱俞旨亦寬刑典其為感激已不勝言而又特降除書俾待經幄竊惟此職屢得真儒實闡聖猷以開帝學職親地密任遇非輕顧臣何人敢與茲選又况方祈閑退反得超陞冒昧之嫌亦難自解在臣私義尤所未安伏望聖慈俯察誠款特賜寢罷元降指揮令臣仍奉外祠以全素守不勝幸甚干冒宸嚴臣無任恐懼隕越之至

辭免兼崇政殿說書第一狀

劉克莊

萃此殊恩界之庸品一聞宸翰交戰危衷瞻言前修有在茲選元祐則呂希哲之比乾道則張栻其人用能名重儒林芳流國史如某者久抗走而為俗吏粗涉獵而非醇儒方冕旒日御於緝熙而旃屢朋來於鴻碩儻使淺聞之士驟陪晚講之聯在明

時非所謂邦家之光在小已瘳乎如淵谷之隕決難冒受惟有
固辭欲望朝廷特賜敷奏收向成命改授名流既穆金言亦安
愚分

辭免崇政殿說書第二狀

劉克莊

聖王滋欲引以自近愚臣實難強所不能豈勝踟躕之危海有
懾喘之請竊謂紬書石室凡稱博聞彊記之士皆可能開卷金
華非有陳善閑邪之學不預兼茲能事必也名儒其講貫未
深見聞尤寡尚不敢當史筆之纂述將何以裨帝學之緝熙必
至貽笑旁觀上孤親擢欲望朝廷特賜敷奏察由衷之忱懇寢
不次之誤恩既免為昭代之羞亦不奪小臣所守

新編古今事文類聚遺集卷之三終

新編古今事文類聚遺集卷之四

建安 祝淵 宗禮 編

金陵 唐富春 子和 刊

東宮官部

總東宮官

補外集太子詹事之前

歷代沿革 並見後各官之下比但載通用之事

羣書要語 秀從南土德在東宮 記室新書 宮邸 晏公類要 承華

太子諸官 博望 苑名 東朝 太子朝也 銅門 儲闈 儲局 宮

寮 官榮 入侍天闈 儲徽克茂 文詞高於甲觀 並同上 太

子官有甲觀 三輔黃圖 升寮 儲闈亦居清顯 文選 鄧禹名臣方

居審諭之任疏受宿望始除輔導之官于志寧書昔在周漢親

賢保敷王褒箴思皇茂則敬詢端輔唐李義府為承華箴望優

四皓然後能調護春闈白集趙昌制輔相東禁常衮制首預東

朝之選歲表類陞華儲幄以縉紳之望有羽翼之勤並同上

詩句屬叨金馬署文玷銅龍門文選三叨儲隸五塵朝散顏延

年詩薄官奉儲明唐褚亮詩託身承輦側托劍遵銅車注銅輦

太子車也陸璣赴洛詩之子摘文章縱橫富詞藻舒鉉悲先麗

握珠謝奇寶唐王筠洛蕭洗馬

古今事實

善行惡戒

晉悼公問於司馬佚曰何謂德義曰在君側以其善行以其惡

戒公曰孰能對曰羊舌肸習於春秋乃召使傳太子

家令智囊

漢文帝拜晁錯太子家令以其辯得幸太子太子家號曰智囊

左右皆正人

賈誼上書曰王者於太子皆選天下端士孝悌博聞有才學者

以衛翼之使與太子居處出入故其生則見正事聞正言行正

道左右前後皆正人也漢書

師友必英俊

地節中許伯使其弟中郎將舜監護太子家疏廣曰太子國儲

副君師友必天下英俊不宜獨親外家許史

置洗馬

漢洗馬員十六人秩如謁者如淳注曰前驅也國語曰勾踐為

夫差先馬先或為洗

置驛馬

漢鄭當時為太子舍人五日休沐嘗置驛馬迎賓客

保訓東宮

漢中宗勅令劉向王褒蕭望之周堪之徒以文章德術保訓東

宮

授書還拜

漢晁錯請伏生授書還拜太子舍人

朝推文士

朝推文士選在陸機機起家為太子洗馬白六帖

時號玉人

時號玉人擢於衛玠晉衛玠為洗馬時人號為玉人同上

宜令英俊

山公啓事曰琅琊王第三子皆為國器宜令四海英俊材德傳

於東宮

才經文雅

荀彧字道玄拜太子洗馬戴若思特見欽重作詩頌之序曰洗

馬荀道玄累葉重光才經文雅所以弱冠登朝荀氏家傳

陸亮忠心

晉武帝詔曰太子家令陸亮有忠心可補吏部郎

南土秀望

吳王入洛唯陸機陸雲顧榮而已以南土秀望遷太子舍人晉中興書

以五事諫

晉江統為太子洗馬太子頗好遊宴或闕朝侍統以五事而諫防閑以禮

刑顯為曹植家丞防閑以禮由是不合庶子劉楨諫曰懼觀者將謂君侯採庶子之春華忘家丞之秋實魏志

皆取甲族

庾於陵梁天監中拜太子洗馬舊東宮官屬通為清選近代用人皆取甲族有才望者時於陵與周捨並擢充此職武帝曰官以久清豈限甲族時論以為美

文號官體

梁徐摛屬文好為新變不拘舊體為皇太子家令兼管書記文體既別春坊盡學官體之號自斯而起

號徐庾體

梁徐庾幼而俊邁聰敏絕倫博覽羣書父肩吾為梁太子中庶子東海徐陵父摛為左衛率陵及子儉並為撰學士父子東宮出入禁闈恩禮莫與比陵儉文並綺艷故世號為徐庾體當為後進模範並南史

青襟受學

斛斯正字士亮精三禮周武帝令皇太子服青襟受學於正號為夫子儒者榮之北史

搜訪賢德

唐太宗謂羣臣曰公等為朕搜訪賢德以輔儲官唐書

妙選人望

唐正觀初置太子司議郎妙選人望以來濟為之兼崇文館直學士

為司議郎

正觀以還師傅皆宰相兼領其餘官寮亦甚重焉馬周以位高恨不得司議郎元稹書又徐浩字季海元宗時太子司議郎肅宗即位詔令多出於浩元宗傳位誥冊皆浩為之司議郎之文翰寵遇罕與比本傳

改鶴禁衛

垂拱中改左右監門率為鶴禁衛

嚴師問道

元稹上書願令皇太子洎諸王齒胄講業行嚴師問道之禮較禽色之娛資遊習之善豈不美哉

獻善諭箴

韋承慶遷太子賢司議郎儀鳳中詔皇太子賢監國時太子頗近聲色承慶上書諫又為善諭箴以獻太子善之

是謂儒宗

王元感為四門博士詔曰元感性質溫敏博聞強記荷前達之識究先聖之旨是謂儒宗可授太子司議郎並唐書

太子三卿

唐東宮管家令率更令及太僕為太子三卿

建儲即置

宋朝太師太傅太保少師少傅少保賓客詹事左右庶子中允中舍諭德贊善洗馬家令率更令皆緣舊制除授而無職司惟建儲闈即置三少賓客詹事庶子諭德中舍二人並他官兼充其左右春坊並鑄印置吏員會要

司馬名重

神宗諭執政曰延安郡王可出閣當議管寮乃曰司馬光名重宜為宮官乃漢羽翼之謂如呂公著孫覺皆可任之後當擇功臣如文貽慶之類是以取重東宮矣王定國聞見錄

晏殊謹厚

晏元獻公殊為館職時天下無事許臣寮擇勝飲宴公貧甚不能出獨家居與昆弟講習一日選東宮官忽中批除晏殊執政莫諭所因次日進呈上諭曰近聞館閣臣寮無不嬉遊戲賞惟殊杜門與兄弟讀書如此謹厚正可為宮官公既受命而面諭除授之意公曰臣非不樂燕遊者直以貧無可為之具上益嘉其誠實知事君體眷注日深言行錄

傳經啟沃

陳俊卿在普安郡王邸每當講必傳經啟沃王深愛之一日王習韃鞠公取韓愈諫封建書以諷王即為誦金又不遺一字公退而喜曰王聰明而樂諫社稷之福也言行錄

王韓厚德

事文類聚

卷之四

下

神宗就邸英宗命韓魏公擇官寮用王陶韓維等皆厚德之士
一日侍坐內侍以官樣靴進維曰王安用舞靴神宗亟令毀去
嘗引疾請郡將去王府採東平樂善之語為贊以獻慈聖垂簾
諭宰臣曰諸王仁孝日聞皆卿等擇官臣所致召至中書覆諭
言行錄

古今文集

雜著

辭免東宮轉官奏狀

周必大

臣聞古者教世子必以禮樂禮所以修外樂所以修內然後恭
敬溫文之德備焉三王有道之長實本諸此陛下稽古垂訓日
命儒臣講戴經於東序以助成儲德可謂同符三代矣而臣叨

塵近列參侍承華斯無寸長可補三善遠逢卒業彌愧橫恩且
臣寄祿之階浸崇增秩之寵沓至豈特僥倖頻數慮貽身菑亦
惟賞或僭差殆將累國伏望陛下推明主愛頓笑之義念名器
不假入之言毋刻贊書留勸功效蓋以例而加者上之恩也因
辭而輟者臣之幸也授受兩得庶其在茲冒瀆宸聰臣無任戰
汗之至

乞東宮官進嘉言善行狀

樓鑰

臣仰惟陛下深惟天下之大本立儲宮以安社稷置僚佐以任
輔導之職真一代之盛典也臣猥以庸陋備員其間且得執經
從容以待承華千載榮遇非所宜得思欲殫智竭慮以稱陛下
任使之意補太子聰明之餘雖太子天資敏明謙勤好學而臣

不過於誦說之間可以少効其愚講罷而退雖欲陳述古今以資盛德無由以進退而思之實不遑處臣竊聞祖宗時應東宮王府官屬每五日必使進嘉言善行一條臣愚欲望層旨申行故事使臣等每五日必以一事進如有已見因而詳論其是非當否不問興衰治亂帝王臣子凡人言行可以勸可以戒者採於百家擇其機要以奉太子則上性愈明輔成儲德區區之心得逃尸素之責矣王府僚屬亦倣此而行之必有日新之益此故事也

承華要略後序

呂伯恭

臣聞基天下之命必建儲后以承聖統養天下之源必緝典籍以熙聖功古先哲王登崇主壘以尊宗廟而重社稷罔不鏡之

以前代之載衡之以六經之言碩師良傳左提右挈吉人正士前導後陪廣廈細旒之上洋洋乎弦歌諷誦之聲發焉煥乎山龍藻火之文具焉能用剛健篤實輝光日新潤色鴻業永永無極臣仰惟聖受天命聖聖相傳碩大駿偉之治曠百王而董三五淵謨丕訓宏綱懿典不券契而同不鑿枘而合不膠漆而附不衡石而均踰時歷紀若出一日雖老師宿儒欲形容列聖心傳之蘊殫精研慮終莫能望其端倪竊嘗問諸太史氏側聞真宗皇帝天禧三年八月制立昇王為皇子始錫之以元良述繼之以六藝箴又申之以學書勸學歌吟之屬至於品式備具本未闕闕則復有承華要略之書焉越三年九月召宰輔宗室近臣俾之縱觀然後知我宋之重規疊矩萬世一轍者亦惟培養天

下之源而已。當真宗皇帝之時。天清地寧。弓珥矢箠。覆露生息。極熾而豐。升中代。獄親祀汾陰。聲融金石。光溢雲漢。固可以獨觀昭曠。垂拱視天民之阜矣。顧乃留神於垂裕後昆之原。豫建太子以定國本。爰因乙夜之覽。博採載籍。蒐補青宮要紀之闕。遺勅承華要略十卷。於分彪列昭如日星。親發層藻。斷以贊述。用為輔養聖功之具。想夫書之所載。問寢視膳之規。齒胃入學之訓。大綱小紀。洪纖鉅細。無乎不聞。厥後仁祖四十二年之治。巍巍蕩蕩。洗萬古而空之者。是書抑有助焉。是宜列聖寶之以為成式。藏於宗廟。副在有司。增前星之光。源少海之潤。蓋靈擁休萬世。永賴誠丕夫之太律也。臣竊考兩漢以來。明君良臣。屬意於邦本者多矣。賈誼治安之策。言雖忠而道則疎。義府承華

之箴言。雖切而心則詐。元稹教本之書。言雖華而要則寡。用智囊為家令。則輔之非其人。開博望延賓客。則處之非其地。養之無素。導之無術。無惑乎其治効之早。汚蹇淺也。使其獲窺我宋承華要略之書。殆將與河伯望洋向若之歎矣。惟舜禹執中之訓。足以擬是書。聖學相傳之妙。惟文王世子之篇。足以擬是書。聖學色養之誠。世之相後。數千載若谷符節。信矣。聖人之無兩心也。若夫精義入神。眇然出於翰墨之外者。顧臣何足以知之。

規正東官啟 唐高宗時太子賢

韋承慶 為太子司議郎

臣承慶言。伏以殿下國之儲貳。主器承祧。百姓繫心。萬方延首。行一事。天下所瞻。出一言。天下所聽。動靜不可以不慎。進退不可以不思。固須數引正人。詢謀得失。使忠言日聞於耳。善事每

關於心所爲合度必自知其過如此則正心起邪心息德業日
新聲聞彌廣福祿可以長守榮位可以久安若諛諛在側忠良
不進意有所向則合詞稱善言未出口則同聲稱美有非莫悟
有過莫知便自謂神睿聰明超絕今古驕溢之漸常必由之伏
願特留睿情每存規誡聞過必改見善必行朝夕孜孜常恐不
及則邦家是賴天下幸甚進德修業太易垂文說禮敦詩春秋
所貴尚書云念終始典于學禮云玉不琢不成器人不學不知
道孔子曰吾嘗終日不食終夜不寢以思無益不如學也殿下
昔在藩邸耽讀典墳論道觀書匪朝伊夕自升儲貳已歷炎涼
侍讀承言稱以稀簡雖睿姿天挺神用生知器業自然非求外
獎然更加研勵彌益風猷伏願敷召儒生勤修學藝縑緗不離

於左右披閱無捨於光陰使日知所未知月聞所未聞凡在匹
夫苟能強學猶可以高取名與坐致簪纓况殿下以儲后之尊
而能留心於學德音之美固無得而稱焉駉獵馳騁敗德之源
必須順動不可以盤遊無度至於從禽逐獸絕野馳原駿足雲
飛輕弧電舉當其適意豈憚艱危無險不陵無深不赴忽然奔
馬委轡猛獸逸羣致驚駭之憂貽顛墜之患雖有所悔如何可
及夫以千金之子猶且坐不垂堂况在萬國之貞豈可不思重
慎殿下初升儲位養德春闈理宜靜默自居文史爲務不可數
遊縱以損德音尚書云內作色荒外作禽荒酣酒嗜音峻宇雕
牆有一於此未或不亡伏願詳鑒古今以爲鑒誡殿下馳使之
人每於北門召入如此等色皆是儉利小人緣得供奉祇承自

謂別蒙恩幸外則妄為威福內則專事諂諛巧媚百端以求顏色日為一事時進一言漸積纖微遂成瑕類此之浸潤最難覺察特須片遠屏黜不宜親近左右殿下皇儲國嗣帝子天孫府庫充盈官室崇麗但使不為鄙僻不作奢淫凡所營求有司畢備何籍此等別有祇承今南衙官寮皆是縉紳士子或者年舊德博識洽聞或雅望英才修身繫行莫不策名委質奉事殿下自非陪扈法仗不得一奉宸顏豈有僕隸輿臺而可特承恩賜伏願一皆杜絕勿許更至官闈所見者唯端士正人所聞者唯詩禮典誥則邪孽無由而起怨悔無從而生慶德彌高休聲日遠伏見今年六月二十日令書以崇文館中學士極少令賓客庶子詹事及宮官五品已下各舉所知令出已來日月已久官

寮所舉咸已進名迄至于今更無進止殿下敦崇學藝廣訪時英天下四方莫不欣悅文學之士飭躬待問而淹歷時序未有指歸朝廷縉紳咸謂殿下徒有其聲而無其實私談竊議頗盈眾口但令出惟行理非虛設舉能進善其事不輕一降令書終年寂莫天下英髦誰不解體此乃欲益反損應是更非伏願與賓客庶子等量宜早為處分事或不可專決非須速以聞奏不可淹延致招誹謗今關隴之外蕃夷寇竊國家將申男伐大興師旅轉輸給用糜費日多聖上內恤黎元外憂疆場宵衣旰食惕慮兢懷殿下在國為儲君在家為長子事兼家國何以自寧至於居處服翫飲食聲樂並請務從省約以助聖上憂勞不可每事豐華自為安逸諸副之尊士庶瞻仰雖宮闈務簡不資每

日坐朝至於朔望之辰諸王賓客咸萃皆欲親承慶旨肅奉宸儀伏見秋冬已來累月不魯一坐恭已之義竊謂有虧伏觀每至此朝特臨法仗則殿下無宴安之逸羣僚有趨奉之歡臣聞體賁裕之德者在乎納諫懷忠貞之極者期於盡節是知君以不諱昭其美臣以無隱達其誠固君臣之大義古今之通道伏惟殿下挺軼研幾疑負毓照處帝王之元子為德兆之副君當其冊命之初天下含齒戴髮童兒牧豎莫不歡忻踴躍抃舞謳歌者以殿下至德至仁克忠克孝故能上當天意下應人心雖夏邦建啟周朝立誦不之及也但能行之以道守之以仁居安慮危在滿防溢一日三省一事九思知稼穡之艱難省宮苑之遊翫正辭雅誥每関心術好聲亂色不留聰明忠讜者引而親

之便佞者屏而遠之則可以長主宗堂永在國本照黃離以保元吉居蒼震而亨利貞臣出自膠庠即參藩邸微班再易馳年十變短才弱翰濫蒙甄獎書記文章特受恩寄洎乎嗣登銀榜復得忝侍銅闈俯存藉屨之餘仰攀麟羽之末蕩蕩鴻澤霑濡不已區區淺志答効無階所以輸罄心源瀝盡肝血奉芻蕘之片議獻狂瞽之工言庶輕露馳聲薄滋於少海纖塵驟影微助於遙山逆耳儻申觸鱗其罪無任控欵之至

上東宮啟 睿宗時元宗為太子

李景伯 為太子右庶子

臣聞書曰惟上帝不常作善降之百祥作不善降之百殃禍福之來由人所召應符影響可不懼哉伏惟殿下稟粹重離揭英若木道光儲貳譽表元良掃凶禳而邦家以寧贊寶曆而皇祚

方永。凡在羣品莫不仰賴。語成功則已大矣。論盛業則已崇矣。唯當養德。青官問安。紫極去惡。除本為善。務滋納忠。讜於正人。杜浮媚於邪徑。遊心經史。引接文儒。覽古今之得失。為行事之龜鑑。日新其美。豈不盛歟。近承諂曲之徒。私進女色。莫非倡蕩穢跡。可知。將入宮闈。以為娛樂。傷教敗禮。豈復是過。及其出入矜誇。恩幸坊曲之間。能無漏泄。至如榮祿。替勞跡。預朝廷稱涉。奸私尚為深累。况一國之儲副。萬方所瞻。奉焉可不自戒。且政之興衰。皆由化下。自上所及。若草隨風。理在必然。不可不慎。竊惟後宮命婦。員品稍多。兼選良人。固為淑麗。止足之賞。詎假旁求。此非殿下之本心。直被小人之所誤。臣實庸鄙。智識無聞。濫齒榮班。謬參宮相。職在規諫。真申禪補。若其黑而自守。何以以上

答聖恩非直尺素之罪人亦當神祇之所譴敢罄愚直以効涓塵伏願悔已往之失知昨非之弊念色荒之誠懲縱敗之言勿近小人毋聽邪說常恐有失兢懼為心則睿德被於羣方頌聲振於阡俗天垂福祐永保無疆儻蒙採納幸甚幸甚

唐太宗於寢殿側置太子諫院疏 褚遂良

臣聞周世問安。三至必退。漢儲視膳。五日乃來。前賢作法。規模宏遠。禮曰。男子十年出就外傅。出宿於外。學書計也。然則古之遠者。豈無慈心。減茲私愛。欲使成立。凡人尚猶如此。况君之太子乎。自當春誦夏絃。親近師傅。知人間之庶事。識君臣之大道。使翹足延首。皆聆善聲。若猷歲之有陽春。玄天之有日月。弘此懿德。乃作元良。伏惟陛下道育三才。功包九叙。新樹太子。莫不

欣躍既云廢昏正朔須稱天下瞻望而教成之道實深乖闕不離膝下常居宮內保傳之誥無暢經籍之談良如且朋友不可以深交深交必有怨父子不可以滯愛滯愛或生怨伏願遠覽殷周近遵漢魏不可頓革事須階漸恒計旬日半遣還宮專學藝以潤身布芳聲於天下則微臣雖死猶曰生年

太子賓客

以下補詹事之後

歷代沿革 **晉**愍懷太子在東宮選人臣子弟有名稱者以為賓友**唐**太子賓客四人正三品堂侍從規諫贊相禮儀宴會則上齒百官志正觀十八年以宰相兼賓客開元定員四人**宋**天禧四年參政任中正樞副錢惟演參政王曾並兼太子

賓客執政兼東宮官自此始職官分紀

古今事實

名臣左右

李固言將作監王堪坐治太廟不謹改太子賓客固言上還制書曰陛下當以名臣左右太子堪以禮官斥居調護地非所宜以安車召

唐收緒中宗初降封巢國公遣杜謹盈齎書以安車召拜太子賓客苦祈還山詔可

東宮授經

鄭肅開成二年詔拜吏部侍郎以肅嘗侍太子言論正典復令兼太子賓客為東宮授經既而太子失寵上有廢斥意肅召見

詳陳天下大本不可輕動意上改容嘉之唐書

如師傳禮

宋朝至道元年尚書左丞李至禮部侍郎李沆兼並太子賓客見皇太子如師傳之禮上召謂至等曰朕以太子仁孝賢明今立為儲貳以為國本當須正人輔之卿等可盡心調護若動皆用禮必須贊成如事稍有未當不可隨順至於禮樂詩書之道可以裨益太子者皆卿等素習不假朕多訓也

以為宰相

李文定公參知政事時仁皇為太子文定為賓客一日召對滋福殿方相之固辭俄太子出謝蒙恩以賓客為相真宗顧謂曰尚可辭也乃拜東部侍郎兼太子太傅同中書門下平章事

太子庶子

歷代公華古者太子有庶子之官職諸侯卿大夫士之庶子之卒掌其戒令與其教治庶子猶諸子周禮諸子之官司馬屬

秦置中庶子員漢庶子為太子少傅屬官後漢置五人晉有中庶子庶子各四人宋中庶子與功高中舍人一人共掌其坊之政令庶子掌侍從左右與功高通事舍人一人共掌其坊之禁令隋有左右庶子唐龍朔中改左庶子為左中護右庶子為右中護咸亨中復故左庶子掌侍從贊相駁正啓奏通典六典宋東宮官有左右庶子舊制不常設每諸闈之建隨宜置官以備僚采多以他官兼

領仁宗升儲置二人神宗升儲置二人欽宗升儲置一人
朝志 乾道中庶子諭德除左不除右孝宗會要 七年詔庶子
諭德輪日入宮仍同供故事

羣書要語諸子掌國子之倅國有大事則帥國子而致於太子
唯所用之 周禮又禮記聘義作庶子委子執笏入賓皇儲 陸禕

碑儲宮命職中庶為重郭子儀表 宜輟五曹之務俾同三令之

班唐休璟制 巨源諸老仍參稟贊之榮同上 拜右庶子奉朝儲

宮修其官政柳文柳渾行狀 俾尹官坊陸集姜公輔制 輔相東

禁帝衣制 列位龍樓宋申錫制 賢哉官相李陽永銘 受命天朝
入侍儲幄

竊言東曹長當知幽獨心白居易寄皇甫庶子

古今事實

肅敬見稱

漢王商字子威為太子中庶子以肅敬見稱漢書

清白有節

魏鮑勛清白有高節知名嘗為中庶子在東宮正色不撓

官最清密

吳孫登為太子時太傅張溫言於孫權曰中庶子官最清密切
問近對宜用舊選於是乃用陳表為中庶子

盡言規諫

蜀後主立太子璿以霍弋為中庶子太子好騎射出入弋援引
古義盡言規諫得切嗟之體

事類彙編

獻侍臣箴

晉溫嶠為中庶子獻侍臣箴甚見補益晉書

受命天朝

鄭默為中庶子朝廷以為太子官屬宜稱陪臣默上言皇太子體皇極之尊無私於天下官臣皆受命天朝不得同之藩國事逐施行

一官要在

武帝置中庶子四人晉起居注一官要在

沈靜履素

武帝咸寧元年詔皇甫謐沈靜履素守學好古其以謚為太子中庶子同上

有正始風

齊袁粲言於帝曰臣觀張緒有正始風宜為官職後轉中庶子齊書

久留承華

陳王瑒父冲嘗為瑒辭領中庶子文帝謂冲曰所以久留瑒於承華正欲使太子微有瑒風法耳

身任官卿

隋太子勇舅官吉左庶子唐令則自請奏琵琶又歌武媚娘之曲太子洗馬李綱白勇曰令則身任官卿敢當調護乃於宴坐自比倡優請正其罪隋書

輔以正道

劉衍本為左庶子太子嘗得良馬令衍本乘行本正色而進曰
至尊置臣於庶子之位者欲令輔導殿下以正道非為殿下弄
臣太子慙而正同上

撰諫苑諷

唐于志寧為右庶子太宗謂志寧曰今太子幼卿當輔以正道
太子承乾數虧禮度志寧正救撰諫苑二十卷諷之太宗大悅

作替道賦

李百藥為右庶子作替道賦以諷悉述古儲副事

兼侍讀書

王方慶拜左庶子進封公奉入同職事三品兼侍太子讀書

時稱公望

錢徽任左庶子韓武以賂結公卿遺徽二十萬不納時稱有公
望

該識舊典

肅宗在東宮孔寅中庶子于時中與庶事草創寅經學宏博又
該識舊典朝儀軌制多取正焉由是元明二帝並親愛之

日直東宮

劉洎字思道唐太子敕洎與岑文本馬周遞日直東宮

授太子經

歐陽地餘字長賓為中庶子授皇太子經

請降墨敕

崔神基長安中轉太子右庶子時突厥使者入見有司移文召

太子神基諫曰。今太子非朝朔望而別喚者。請降墨敕。詔與磨事。東日侍讀東宮。

進藥石言

高季輔為右庶子。上疏切諫。時政得失。特賜鍾乳一劑。曰。進藥石之言。故以藥石報。

諫用寺人

太子承乾左右多任宦官。于志寧諫曰。專柔便佞。出納禍福。伊史敗。易牙敗齊。趙高亡秦。張讓傾漢。近高齊任。鄧長顛陳。德信齊卒。傾覆殿下。皆用寺人。輕忽高班。凌轢貴仕。品命失序。經紀不立。太子不悅。

輟卿以佐

杜正倫除太子中庶子。帝詔正倫曰。吾兒幼。未有就德。我嘗勸物戒之。故輟卿於朝。以佐太子。

屏居恬靜

趙宗儒字秉文。罷為太子右庶子。屏居恬靜。奉朝請而已。

端居守道

趙宗儒罷相。為右庶子。端居守道。德宗嘉之。遷吏部侍郎。召見勞之。曰。知卿閉關六年。故有此拜。並唐書。

以宰相兼

唐宋璟以宰相兼庶子。

以太守參

中庶子。闕宜得俊茂者。欲以濟陰太守劉儀。城陽太守石崇參。

事文類聚選集
選山公故事

衛太子家

班彪成云。國家故事。選公卿列侯子孫衛太子家為中庶。

儲選特名

陶仇遷中庶子。曰君少而好學。善談玄理。尤明詩易。以孝聞於時。儲選殊難。其人特召君焉。陶氏家傳

八舍之職

環濟要略云。庶子謂八舍之職。

班同三舍

擬侍中中書侍郎班次同

參與機密

晏元猷公殊字。同叔。遷左庶子。公既佐佑東宮。真宗所以諮訪多。以方寸小紙。細書問之。由是參與機密。凡所對。必以其藁進。示不洩。言行錄

諫議兼右

張士遜字順之。仁宗為皇太子。遷右諫議大夫。兼右庶子。又為賓客。既而兩府大臣皆領東宮官。遂換太子詹事。東都事略

判官兼左

楊徽之字仲猷。真宗為開封尹。妙選僚屬。召徽之為府判官。兼左庶子。同上

太子侍讀侍講

歷代沿革 太宗為晉王府有侍講及為太子亦置焉其後或
置或否開元初十王宅引辭學工書者入教亦為侍讀職林
分紀而無侍講宗始置焉職略神宗升儲置侍講侍讀各一
人會要 乾道七年禮部太常言討論東宮開講儀官僚遇講
讀詹事以下至講讀官上堂並用賓禮參見如延英儀講罷
復位續會要

羣書要語 翊弦誦於青闈飄長纓於鶴齋詩敬宗冊

古今事實

儒素見稱

晉王紹宗遷秘書少監仍侍皇子讀書紹宗性澹雅以儒素見
稱當時王廷之士咸敬慕之

諫觀韓子

庾亮侍講東宮元帝方任刑法以韓子賜太子亮諫以為申韓
刻薄傷化不足留心太子納焉並晉書

讜言直氣

唐呂元英為同州刺史及中謝論奏辟辭氣激切上嘉之謂宰
臣曰呂元英有讜言直氣宜留給事左右仍兼太子侍講

借御書讀

李敬元博覽羣書高宗在東宮馬周啟薦之召入崇賢館兼領
侍讀仍借御書讀敬元風格高俊有不可犯之色

講經授業

蕭德言博涉經史尤精左氏春秋好屬文晚年尤篤志於學每

開五經必盥濯束帶危坐對之高宗為晉王詔德言講經授業及升春官仍兼侍講

講導經學

太子侍讀無常員掌講導經學

進毛詩纂義

許叔牙少精毛詩禮記正觀初累授晉王文學兼侍讀高宗昇東宮遷太子洗馬仍兼侍讀嘗進毛詩纂義十卷皇太子賜帛二百段今寫本付司經局

著官訓十卷

丁公著充太子侍讀著官訓十卷穆宗即位遷工部侍郎寵奉官之舊也

五日一侍讀

陳夷行充翰林學士兼充皇太子侍讀詔五日一入長生院侍太子讀經並唐書

露門講論語

沈重字子厚天和六年授驃騎大將軍開府儀同三司露門博士仍於露門館為皇太子講論語北史

露門教授

樂遜字遵賢保定中詔魯公斌畢公賢俱授業尋授湖州刺史還朝拜皇太子諫議復在露門教授同上

獻龍樓箴

歸登有文學為東宮侍讀獻龍樓箴以諷

撰翼善記

褚無量字宗在春宮兼侍讀嘗撰翼善記以進之

給輿便殿

褚無量為侍讀年老為造腰輿令內殿給使輿於便殿

題笏賜詩

王起宗文宗時為皇太子侍讀帝題詩太子笏以賜又詔畫像

便殿號當世仲尼又使廣五位圖釋太子知古今治亂

遷右補闕

郭贇傳太子任京尹得侍讀潘邠太宗即征擢贇著作郎兼皇

子侍讀遷右補闕東都事略

擢工部郎

孫固傳神宗為穎王以固侍講王府東宮建為太子侍讀神宗
即位擢工部郎同上

古今文集

雜著

上東宮請講學啟

張說

臣某等啟臣聞安國家定社稷者武功也經天地緯禮俗者文
教也社稷定矣固寧輯於人和禮俗興焉在刊正於儒範順考
古道率由舊章故周文王之為太子也崇禮不倦魏文帝之在
春宮也好古無怠博覽史籍激揚令問取高前代垂名不朽伏
惟皇太子殿下英睿天縱聖敬日躋神筭密發雄威立斷廓清
氛祲用寧家國兆人由是歸德六合所以推功主尊青宮固本

也。分務繁極，觀政也。副羣生之望，作累聖之儲。殿下之於天下，可謂不輕矣。監國理人，可謂至重矣。莫不拭目而視，清耳而聽。冀聞異政，以裨聖道。臣愚伏願崇太學，簡明師，重道尊儒，以養天下之士。今禮經殘缺，學校陵遲，歷代經史，率多紕繆。實殿下闡揚之日，刊定之秋。伏願博採文士，旌求碩學，表正九經，刊考三史。則聖賢遺範，粲然可觀。况殿下至性神聰，留情國體。幸以閑安之暇，應務之餘，引進文儒，詳觀文典，商略前載，討論得失。降溫顏，開謙讓，則政途理體，日以增益。繼業承祧，永垂德美。臣等行業素輕，藝能寡薄，願慙端士，叨侍官闈。日夜祇懼，無以匡輔。區區微誠，願效塵露，輕進芻鄙，庶垂採擇。

手令答曰：經史脫誤，事資刊理。自非通儒，孰詳大義。侍讀等升

堂觀奧能定闕文。今司經崇文皆有舊籍，敬承來教，即令考序。須日以來，未暇數對。何嘗少選而忘德音，尋當叙進群英。冀聞餘論，仍令錄留，敬本以代書紳。

上東官勸學啟

劉憲

臣以今月二十一日，侍從外參親奉令旨。令臣勾當所進書，隨了隨進，并語臣云：當今閑暇正好讀書，臣自承殿下之好尚，私心歡喜，不能自勝。伏惟天縱神武，生知睿哲，誠時與理會，固無待於勤求。然自古及今，皆重於學。至於光輝盛德，發揚令問，安靜身心，保寧家國，除此之外，更無以加。常人讀書，撥于爵祿，事須精熟，乃堪試練。殿下居副君之位，有絕世之才，豈假尋章摘句哉。蓋應略知大意而已，用功甚少，為利極多。伏願克成美志。

無棄暇日。上以慰至尊之心。下以答庶僚之望。幸甚幸甚。侍讀
褚無量經明行修。在朝罕匹。是以皇帝簡擇。令侍殿下。謂宜時
蒙名問。而察其言。臣以愚劣。忝跡士端。區區之誠。莫不罄竭。

請令皇子伴讀。提舉左右人。

司馬光

臣伏見陛下差直史館王陶充皇子伴讀。祕閣校理孫思恭充
本位說書。此誠國家之首務。聖哲之遠圖。然臣聞三代令主。置
師傅保以教其子。又置三少與之燕居。至於左右前後侍御僕
從之人。皆選孝悌端良之士。逐去邪人。毋得在側。使之日見正
事。聞正言。然後道明而德成。心諭而體安。福被兆民。功流萬世。
此教之所以為益也。今陶等為皇子官屬。若不日月得見。或見
而遽退。語言不洽。志意不通。未嘗與之論經術之精微。辨人情

之邪正。究義理之是非。考行己之得失。教者止於供職。學者止
於備理。而左右前後侍御僕從。或有邪佞讒巧之人。雜處其間。
出入起居朝夕相近。誘之以非禮。導之以不義。納之以諂諛。濟
之以詐僞。雖皇子資性聰明。端慤難移。然親近易習。積久易遷。
諂諛易入。詐僞易惑。如此則雖有碩儒端士為之師傅。終無益
也。臣聞孟子曰。雖有天下易生之物。一日暴之。十日寒之。未有
能生者也。吾見亦罕矣。吾退而寒之者至矣。又曰。一齊人傅之。
衆楚人咻之。雖日撻而求其齊也。不可得矣。臣愚伏望陛下多
置皇子官屬。博選天下有學行之士。以充之。使每日在皇子位
與皇子居處燕遊。講讀道義。尊善抑惡。輔成懿德。其左右前後
侍御僕從。亦皆選小心端慤之人。使所屬官司。結罪保明。然後

得入仍專委伴讀官提舉覺察若有佞邪讒巧之人誘導皇子
為非禮義之事者委伴讀官糾舉施行即時斥逐不令在側若
皇子自有過失再三規誨不從者亦聽以聞如此則必進德修
業日就月將善人益親邪人益疎誠天下之幸也大理評事趙
彥若孝友溫良謹潔正固博聞強記難進易退國子監直講李
寔好學有文修身護行秘閣校理孟恂清純愷悌終始如一此
臣之所知也伏望陛下擇此三人及廣求其比以備皇子官屬
臣推心盡忠不敢存形迹僭越妄言伏俟謹謫

論經筵劄子

程頤

自古人君守成而致盛治者莫如周成王成王之所以成德由
周公之輔養皇帝陛下春秋之富睿聖之資得於天稟而輔養

之道不可不至所謂輔養之道非謂告詔言過而後諫也在涵
養薰陶而已大率一日之中接賢士大夫之時多親寺人宮女
之時少則自然氣質變化德器成就臣欲乞朝廷謹選賢德之
士以待勸講講讀既罷幸留一人直日夜則一人直宿以備訪
問皇帝讀習之暇游息之間時於內殿召見從容宴語不獨漸
摩道義至於人情物態稼穡艱難積久自然通達御之常在深
宮之內為益豈不甚大

太子春坊

歷代沿革北齊有門下坊庶子領之典書坊庶子領之隋門下
坊置左庶子典書坊置右庶子唐龍朔中改門下坊曰左春

坊左庶子中允司議郎左諭德左贊善大夫崇文館學士校書郎洗馬文學校書正字等隸焉典春坊曰右春坊右庶子中舍人太子舍人右諭德右贊善大夫太子通事舍人家令率更令等隸焉宋建儲闕即置仁宗神宗并儲並以內臣為左右春坊均當左右春坊事中與不置孝宗乾道元年立皇太子置左右春坊二員同左右春坊二員孝宗會要注

羣書要語備儲坊之案

胡文恭行趙休制

古今事實

儲案

寶曆二年詔長慶以來兩河用兵徧裨立勳擢真周行率以儲案王官雜補之

列局

太和四年左庶子孫韋奏春官列局護翼元良

古今文集

問東宮官屬

或問東宮官屬曰唐六典載太子東宮官制甚詳如一小朝廷置詹事以統眾務則猶朝廷之尚書也置左右二春坊以領眾局則猶朝廷之中書門下省也左右春坊又皆設官又各帥其屬之意崇文館猶朝廷之館閣贊善大夫猶朝廷之諫議大夫其官職一視朝廷而為之隆殺此等制度猶好今之東宮官屬極苟簡左右春坊舊制選賢德者為之今遂用武弁之小有才者其次惟有講讀數員而已如贊善大夫諸官又但為階官非

實有職業神宗以唐六典改官制當時亦有不曾討論者如東
官官屬之不備是也舊嘗入劄論東宮官制疎略宜從舊損益
之不改朱語錄

資善堂

翊善 小學教授

贊讀 諸官並附

歷代沿革資善堂翊善贊讀紹興五年六月初置以命朱子開
范元長時孝宗以建國公就傅故也其後孝宗出閣就第而
信王幼亦命近臣踵為之開禧元年七月皇子初封榮王命
程少逸左史兼贊讀少逸以祖諱辭乃命軍器監趙子中夢
極兼領其不稱王府而以資善較銜蓋以未出閣之故雜野

古今事實

范朱極選

一日上語興曰欲孝宗御諱出閣選官教之且就禁中置學
館便建資善堂庶幾正當鼎乃與同列議選范冲朱震為翊善
朝論以二人為天下之極選上謂鼎曰臺諫語及資善之建皆
曰如朱震范冲天生此二人為今日資善之用可謂得人矣趙鼎傳

勉王進學

黃裳為嘉王府翊善因王誕日乃作渾天儀以獻為歌詩勉王
進學如天而不息樓公媿集

日陳正道

黃機字彥發謚忠簡為資善小學教授時皇太子為惠國公日

陳正言正道又以累朝事親修身治國愛民四事手書以獻真
之左右朝夕觀省同上

資善堂

在元符觀南大中祥符八年置仁宗肄學之所天禧四年徙御
厨以北會要

繼照堂

在開封廡東真宗尹京日射堂大中祥符二年臨幸賜名

慶寧堂

英宗潛邸有閣藏御覽經籍

睿成宮

宋祐元年閏二月詔神宗皇帝所居東宮改為睿成宮

龍德宮

元符二年二月詔懿親宅潛邸賜名龍德宮是為徽宗舊邸同上

新編古今事文類聚遺集卷之四終

